

晚晴籟詩匯

第二三册



晚晴窈詩匯卷五十七目錄

嵇曾筠 十一首

吳士玉 三首

彭維新 十六首

俞兆晟 一首

方苞 一首

余甸 二首

李鍾峩 一首

王思訓 四首

陳厚耀 一首

王澍 一首

莊令輿 三首

宮鴻厯 五首

喬崇烈 六首

劉青藜 三首

鄭任鑰 一首

丁士一 二首

魏嶮 二首

陳觀永 二首

方燦如 三首

段獻生 二首

何深 一首

王萃 九首

張謙宜 七首

張璨 二首

汪繼燦 一首

吳麟 四首

戴寅 三首

許湜 二首

覺羅固興額 一首

趙熊詔 六首

繆沅 十一首

戴名世 二首

趙國麟 四首

阿克敦 七首

呂謙恒 六首

呂耀會 一首

呂憲會 一首

方式濟 四首

何世璠 二首

芮復傳 三首

周人龍 一首

晚晴移詩匯卷五十七

徐世昌

嵇曾筠字松友號禮齋無錫人康熙丙戌進士官至文

華殿大學士加太子太傅諡文敏有師善堂詩集

詩話文敏父永仁以諸生佐范忠貞幕殉耿逆之難  
時文敏方七歲母楊太夫人教之成立生平功業治  
水為大著有河防奏議常用引河殺險之法其黃河  
詩云地勢高卑有定形疏之則泰壅之否水性平險  
無常情逆之則怒順之喜蓋洞究禹導山導水之  
旨而一衷於孟子之行所無事所謂以經術濟世用  
者撫浙時有旨照李衛例改為浙江總督異數也晚  
年刻意為詩冬夜云睡去尋詩夢不甯偶成云新詩  
甚酌夢中吟自箴云老愛吟詩句  
不佳與幕友翁朗夫唱和為多

寄天津范自牧觀察

悵望津門鴈不歸尺書迢遞雪霏微每懷甘旨塵生釜豈  
為行吟帶減圍天地有情人落窶雲霄無路夢依稀山公

聯珠詩集卷五十一  
應念遺孤幼寄與愁心問繡衣

有母常看獨倚闔顯揚無計愧何如南溟鶴唳歸華表吳  
地冰霜逼歲除儻憶通門重啟事定教伏闕上遺書忠魂  
已化萇宏碧雪涕君恩浩蕩初

### 五臺山

昔人一攬五臺勝謂可不須五嶽游把詩令我輒神往春  
裝欲發仍句留那知山靈有深眷銜命太原償此願見山  
已自開心顏況復驅車到天半摩霄跨漢何從寵呼吸直  
與精靈通疑是媧皇此煉石化作五朵青芙蓉聞說東臺  
特奇妙拾級先登縱遐眺夜半湧出硃砂丸海外天雞猶  
未叫山僧復導過西臺舉頭正喜鴻濛開陰晴涼燠變俄  
頃颯然萬里邊風來遙指南臺高幾許蹈虛躡險如霞舉

上方歷歷見星辰下界冥冥自風雨欲往北臺更飄瞥分  
明引入水晶窟陰厓高疊萬古冰幽澗長流千歲雪中臺  
宛在山中央云是文殊舊道場馴虎何曾避行客伏龍猶  
自依空王飛泉宛轉當檐落注入清池長不涸鏡中大可  
印禪心惟見一泓開澹漠小憩剛逢梵課餘妙香冉冉飄  
衣裾到此能令眾緣息祇有夙好猶難除因之餘勇更一  
鼓直上蓮花嶺頭坐兩丸日月足底生百道煙霞腰下裹  
一峯萬狀難具論諸山環侍猶兒孫置身合在最高頂俯  
瞰一氣渾無垠假令獨往心不猛奇勝何由得全領乃知  
萬事須造巔賴得茲游發深省竭來幸值公務閒閒情暫  
寄水石間幽吟頗得清淨理遐賞適在清涼山卻爲王程  
難久住搖鞭又入紅塵去回看一片出山雲不識爲霖向

何處

題任城太白酒樓

子儀起汾陽先生可以退季真歸鑑曲先生可以醉只有  
先生是獨醒故向長安酒家睡縱飲斯樓亦偶然後之好  
事爭流傳我來何處呼謫仙山空水冷月在天

昭陽湖

夜分催振柁遂達昭陽湖如行菱鏡中澹蕩涵菰蒲跳波  
月一丸散作千明珠天水浩相接湛然纖翳無五千五百  
頃一色琉璃鋪空際下漁舟點點疑飛鳧倚舷獨凝眺心  
曠神爲舒我嘗考圖誌信美惟此區滕薛旣合流黃運仍  
分趨詎徒資蓄洩兼可濟輓輸所嗟水鄉窪民力思其蘇  
幸逢清晏日濺澤長涵濡九重殷軫念衽席霑宸謨

韓蘇祠

有唐文章雄獨推韓退之深得六經蘊能起八代衰才名  
滿天下宰執猶未知乃依徐州牧幕下常棲遲建封雖薦  
達參佐何能爲奮筆三上書鳴號固不辭於君則敢諫於  
友亦善規平生凜名義實爲百世師

繼起得髯蘇早歲亦不偶晚迺持一麾幡然重出守是時  
黃流溢諸吏咸掣肘公獨能制之狂瀾障以手欲弭鯨鯢  
災甘爲牛馬走水患乃立平前此實未有天子嘉其功上  
表特稱壽至今被遺澤民物慶康阜跡與昌黎殊文行均  
不朽我來叢祠下再拜酌杯酒俯仰千載間二賢堪尙友

鎮海塔

海色微茫金碧浮屹如砥柱鎮洪流佛光炳耀馴龍藏仙



觀高寒俯堞樓新堰萬尋平野障遠山一髮暮潮秋諸天  
賴倚崇墉久絕勝東坡玉帶留

塔峙海濱屢被潮噬欲圯今築石隄拱護遂得永鎮

東

### 赭山

滄江括地維瀛海包天根赭山駕長虹校與他山尊秦王  
昔驅石一一皆東奔鞭此不為動骨立餘殷痕祇今數千  
年獨喜巋然存潮汐靡不由終古相吐吞伊余董疏導出  
入宜窮源拏舟涉洪波周厯驚心魂幸使井里安夷險非  
所論努力凌絕頂列宿高可捫大江自西來潮勢互飛翻  
坡陀觸滌澗水石聲相喧於茲悟治理扼要先蛟門登頓  
跨龍脊不覺煙嵐昏

### 龕山

龕山亦秀拔遙與赭山對  
兩山東一水江海爲之匯  
是日南大壘眾流貫乎內  
不知自何年滄桑迭相代  
莽莽連平沙揚塵應已再  
陸陵蔽桑麻水道幾茫昧  
我來一延覽早已得其槩  
山徑雖不深綿延足塘埭  
浩浩日夕流誰復患壅潰  
龍飛鳳舞交峯峯無向背  
溜乃趨中泓四野都霑漑  
曩時慶安流是處歌康乂  
何當挽天吳包舉憑坤載

重陽

秋老西風滯雨聲  
今朝重九報新晴  
曉霞海色明  
吳甸飛翠嵐  
光入越城百尺凭樓堪  
送雁數竿  
夏玉勝吹笙紫萸黃菊  
何心覓香稻連疇足晚成

吳士玉字荆山吳縣人  
康熙丙戌進士  
改庶吉士授編修  
官至禮部尙書諡文恪  
有吹劍集蘭藻堂集

詩話宋漫堂撫吳時刻江左十五子詩以年齒為次  
 日王方若式丹吳山掄延慎宮友鹿鴻歷徐大臨昂  
 發錢亮工名世張日容大受管青村榆顧依君嗣立  
 李百藥必恒蔣揚孫廷錫繆相芷沅王麟照圖炳徐  
 學人永宣郭于宮元鈺而荆山列第入其中名位顯  
 達者南沙相國之外則推荆山其詩雍容大雅瓣香  
 在蘇陸之問

玉帶生歌奉和漫堂先生先生原序云楊鐵崖有七

管胡琴古囊與硯並已為七六客各錫以嘉名而  
 硯舊寶於文丞相紫質玉紋所謂玉帶生也丞相  
 殉國硯歸謝皋羽轉歸鐵崖鐵崖作志命門  
 生張憲作玉帶生歌余幸觀奇寶亦贈以歌

中丞好古據幽情示我寶硯光晶瑩紫衣通身腰橫白云  
 是景炎故物玉帶生曾游鐵門翻白雪向陪皋羽號冬青  
 結契最是文山早揮灑神筆凌霄崢銘錫貫珠四十四至  
 今的皜炳日星斐几摩挲追往事感槩鬱律何能平或言  
 信國當年初射策生也即隨顧盼趨承明萬言一掃盡龜

鑑鐵肝石膽生風稜轉瞬煙塵昏頽洞生同顛躋哀零丁  
丹心磨礪句不滅正氣磅礴歌吞聲天崩地塌壯士死但  
聞西臺擊竹風悲鳴可憐宋社淪海水片石乃有神靈憑  
鼎遷者三載五百貞質不毀堪嗟矜英英紫玉暈痕透有  
如白虹貫日昭精誠仰止孔石孔子遺視陋桑鐵笛管之族豈  
其朋焦氏秋況出姦相琴爲賈似道故物蘇冀那混申椒馨彼哉  
客寮並數七嘈雜非偶徒虛名豈如我公位置肅左圖右  
史箋遺經濡翰端可幹元化作歌雅欲親典型公歌突過  
玉笥作爲生寫真垂千齡

石屏歌爲商邱先生作

羣峯奔雲湧座隅下有煙艇浮江湖是何淋漓足元氣得  
非米家海岳圖細看乃是渾成一片石天然妙迹非人摹

昔聞巧匠斲山骨未聞山水粉繪生石膚若云造物作狡  
獪卻愁混沌鑿死將何如萬里煙雲藏咫尺壁開天地超  
寰區漁舟箇箇齊盪槳煙波雲岫聊相娛我思米顛工畫  
兼嗜石整冠再拜以丈呼石之嶙峋足以壯筆勢畫之奔  
峭與石爭盤紆石癖畫巧兩不減畫留石上永永成形模  
君不見歐公當年石月屏子美放歌窮虛無又不見孤松  
溟濛石屏上子瞻長句搜根株今公茲屏亦奇絕愧無大  
手如兩蘇

上韜光望錢唐江

拔雲緣危磴邈若陵風飛回首失紺宇聳身但翠微連天  
起古煙萬竹相因依碧色望不盡步步娛清暉絕境天可  
捫訇然開巖扉遂登縹緲樓浩歌縱遐睎江光搖空闊潮

勢吹裳衣精神忽飛揚八極從指揮

彭維新字石原茶陵人康熙丙戌進士改庶吉士授檢討累官協辦大學士管理戶部坐事免起授左都御

### 史有墨香閣集

詩話茶陵自李懷麓以文章相業蔚爲有明一代正宗數百年來無異詞州里後生迭相摹擬至石原始以文采表見於世論其名位固未能逮規模亦稍狹隘然具體而微不失先正軌範

### 次韻鄭魚門秋夕書感

午夜涼飈生秋聲驚坐寐月色盈中庭桐陰減半砌志士感時節繁憂浩無際碧宇河漢橫寥廓絕纖翳太虛本澄明塵勞徒做做人心有天游胡爲自膠戾

貰酒不盡飲旅顏成半酡世味閒愈淡夜吟秋更多蟋蟀無意緒苦效商聲歌我聽猶絲管翻賴蠲宿疴篆煙靜不

散井水寒無波燭光熒斐几聖籍紛駢羅

碧泉巖

茲崖韞高德不欲矜有餘盈腹貯乳水纖罅鳴珮琚夏潤  
冬不縮點滴均數疏一綫下雲竇匯入芙蓉渠

靈巖前沼

鏡澄

天在水中無驚餌魚曾洗仙藥鼎時濺游人裾綠苔有新  
意丹壁無宿淤窄仄足容膝可以讀吾書穉松匝戢戢好  
風來徐徐茶鐺近挹取小啜塵慮祛流潤歷千劫應有神  
物居何當作霖雨及時起焦枯

時苦旱

春游雜吟次趙秋谷前輩韻

洄寒蘊元化釀此無邊春光風洗黯黥老物呈鮮新遙山  
突入戶半壁青嶙峋晴空雲靄靄碧沼波鱗鱗樂意到魚  
鳥飛泳羣相親農事以時舉錢鏹亦已陳林閒鳴社鼓陌

上扶醉人昇平太和徧何處容鬱堙

洗眼待春歸一療詩才餒翻醉看花觴宿醒連不解紅紫  
紛迷離到處空貽駭何限輪蹄塵誤逐繁縟彩沖漠司化  
機疇其覓真宰

歲晚冰雪攢眾卉泯無迹一自春風來是處草痕碧桃杏  
矜豔陽倚笑東郊陌習經寒與暄獨有舊松柏甘避踏花  
塵雲煙共朝夕

繁枝簇蓓蕾東風爲吹開爛漫曾幾時片片飛綠苔開落  
皆東風昧者紛疑猜芳時異搖落胡爲有隳摧君看蒼巖  
樹榮悴何預哉

三月春浩浩楊柳披清池依依綴柔葉裊裊垂長絲游人  
就帷幄詞客吟葳蕤不願蒙顧盼願勿攀折之攀折亦易



盡來歲無好枝

繁英已繽紛花風未吹棟今歲桐葉增化工不肯倦密樹  
百轉鶯畫梁雙歸燕富兒羅葷羶閉戶開廣宴獨有靜觀  
人早識東風面筇枝收將歸陽春在吟卷

游峽山飛來寺

澗草霑泥澀頻疑過鹿羣中峯時一雨初地更層雲磴仄  
藤根護崖開樹影分香臺行漸近疏磬隔林聞

晉水源次汪文升前輩題難老泉韻

石根微漾散輕漪驀澗奔龍勢絕奇萬斛脰訶工吐納亦  
激勢如趵突泉者一泓清淺受鬚眉機舂處處飈輪激水耨村村

地脈移流入汾河便泥滓殷勤看取出山時

題青墩卷

秦世瑛山東人世為農其祖傭耕壑上為  
豪家所害而匿其尸瑛父尋訪豪家又欲

甘心遁歸憤惋以歿遺言父骸不歸已終不葬世  
瑛感泣赴塞百計賺祖骸數千里負歸與父共葬  
青墩距祖歿時已六十年矣一時士大夫義之爲  
詩歌紀其事曰青墩純孝卷衍聖公孔毓圻爲作  
傳屬余題之

一束枯骸盡淚痕崎嶇招得未歸魂北邙高冢麒麟卧輸  
爾農家有子孫

泉下團圞宿恨蠲墓門夜月罷嗁鶻卽今寒食青墩路水  
木迷濛六十年

贈姜漁臺

漁臺名璜自云蜀人嗜酒放曠詩效李昌

幣求畫久不與使人索之值醉麾幣罵使還其絹  
金吾怒欲中以事漁臺遁走浙東入雁宕山籍貫  
姓名更易無定其畫或經年不作酒後揮  
灑輒十數紙著墨不多皆活潑有奇氣

累月經年慳一畫畫成著墨卻無多由來能事參元化山  
吐雲嵐水湧波

敲簷短壁歛風雷攝得龍湫雁蕩來顧虎頭廚防賺取題

詩自詭贈漁臺

作龍雁圖甚奇恐人攫取題詩其上詭署姜璜贈漁臺

曾聞還絹惱金吾亡命東甌幾載逋畢竟恕先難免俗富人猶得放鳶圖

俞兆晟字叔穎海鹽人康熙丙戌進士改庶吉士官至

戶部侍郎

吳宮曲

館娃春深晝寂寂美人列坐彈瑤瑟白紵六銖衣回雪流風侍君側清歌珠串杳入雲梁塵不動花繽紛繁絃急管停復作當筵催進泥金裙軍聲殷殷來構李犀甲晶瑩照秋水破楚門東鐵騎圍君王夜醉扶不起白紵歌殘事已非洞庭漁唱雨霏霏至今城上烏嘯急猶聽吳孃夜

搗衣

方苞字靈皋一字鳳九號望溪桐城人康熙丙戌進士

歷官內閣學士兼禮部侍郎銜

詩話桐城古文家海峯惜抱詩並傑出他如王悔生劉孟塗方植之姚實甫諸人雖所造各有深淺皆傳作斐然望溪嘗曰童時侍先君子與錢杜諸先生以詩相唱和欲竊效焉先君子戒曰是雖小道非盡心以終世不能企其成而耗少壯有用之心力非躬自薄乎遂絕意於詩見鳴青山人詩序

陶淵明

陶潛經世人志不關沮溺觀其詠春蠶自視儕禹稷東皋日荷鋤憂勤同運甓春風沂水情孔顏宜命席

余甸初名祖訓字仲敏號田生南平籍福清人康熙丙

戌進士歷官順天府丞有干卷樓集

詩話田生清介絕俗居官有風節與方望溪雷翠庭相砥礪工詩古文辭兼精篆隸真行並有法度

冒雨過連雲棧

辛苦蠶叢道夷猶作短歌  
雨從山半落雲趁腳根過  
出地三千丈違天尺五多  
攜來謝眺句搔首問如何

蜀宮瓦

絕代繁華地深秋細雨天  
宮門餘片瓦不忍憶當年

李鍾義字雪原通江人康熙丙戌進士改庶吉士授檢

討厯官太常寺少卿

詩話舊例館選不問省分邊遠每多遺闕雍正初雪原上疏言康熙四十五年以後每科各省皆有庶吉士元年癸卯闕漢軍及河南四川二年甲辰闕蒙古及山西河南陝西湖南四川廣東西雲貴諸省請廣儲才無遺邊遠下部議行自是每科各省皆有庶吉士實雪原疏啟之也

巫峽

巫峽天下險崖陰水氣昏猿嘯雲外樹客斷雨中魂神女

靈旗動騷人豔賦存無窮懷古意獨自向江村

王思訓字疇五號永齋昆明人康熙丙戌進士改庶吉

士授編修歷官侍讀有見山樓集

詩話永齋留意鄒州文獻嘗輯滇乘二十五卷遺聞  
逸事時時見於詩篇傷永明王父子則有五華山歌  
弔黔國公沐天波則有咒水歌愍天波妻焦氏則有  
金井庵行時有楊娥者為張氏婦兩家皆世為黔府  
護衛娥美而善技擊天波殉國娥夫道死從家人歸  
恨吳三桂欲報仇苦不得近乃賣酒城西靚妝當鑑  
吳部曲爭過飲相與為惡謔娥執其尤無狀者提投  
狗竇沃以沸湯則羣起擊娥娥一奮臂眾皆披靡使  
吳得聞將納之娥忽中寒疾死永齋過酒肆舊址賦  
當鑑曲其事未見於他書永齋去其時未遠親憑弔  
其地當非  
妄言也

山居

本非逃世者胡以碧山藏居愛愚為谷行殊智作囊野花  
春澗落流水石橋香勿笑躬耕拙人情澹泊長

易隆別故人

別淚多於酒尊前莫易彈恐傷游子意不盡故人歡塞雁  
呼秋旅江楓倚暮寒來朝遠凝望雲樹雨漫漫

七月七日登盤龍山蓮峯閣

鐵騎金戈失翠邱誰家笑語在鍼樓浮雲身世三年淚落  
日關河百戰秋天外不來青鳥使沼邊空憶赤龍游欲消  
旅恨憑香閣一水盈盈隔女牛

懷化驛晚行

陰逼千山暝林深覓路遙疏燈疑野戍殘雪辨危橋驛僻  
卒多悍途長僕易驕夜中搔短髮愧殺霍嫫姚

陳厚耀字泗源泰州人康熙丙戌進士由中書厯官左

諭德兼修撰

詩話泗源受算學於梅勿庵以李文貞薦入直蒙養齋親承聖祖指授其學益進借梅文穆同修算學諸書書成改官翰林恩禮甚渥所傳詩多應制之作

### 熱河趵突泉

由來鑿飲頌康衢誰道甘泉彙勝區萬派寒潮飛匹練半天花雨灑明珠膏流海外尋源處清在人間發軔初此地風雲開北極靈根玉窟擁皇圖

王澍字翦林號虛舟又號竹雲金壇人康熙壬辰進士

改庶吉士授編修歷官吏部員外郎

詩話虛舟由編修遷給諫疏爭六科隸都察院忤旨改官銓曹歸遂不出書法名家畢生致力四體並工覃谿論書與其宗旨不同獨取其篆書蓋不免門戶之見傳詩不多要是雋語

### 題陸卷阿濠梁秋水圖

蝴蝶春風夢濠梁秋水圖諦觀非外物阿堵是真吾詩境



通三昧漁家共五湖蘆花已頭白林際鳥相呼

莊令輿字蓀服號阮尊武進人康熙丙戌進士改庶吉  
士授編修有雙松晚翠樓詩

曉晴示同寓諸子

碧空片片雨雲輕日射疏櫺曙色明三徑曉晴飛蝶影六  
街春暝賣花聲經營蘭圃兼蔬圃料理茶鐺及酒鐺賴有  
素心晨夕共天涯風景倍關情

次韻寄題友人別業

背郭軒窗面碧波琴臺書幌幾經過能文事業窮司馬種  
樹生涯老橐駝畫舫風高颿影疾綠陰春暝鳥聲多輭紅  
塵裏鞦韆客空記臨流聽棹歌

游廢園

層層石磴古樓臺臺外雙扉面水開池柳晚風翻碧浪畫  
牆秋雨點蒼苔蛛絲細網縈花徑燕壘殘泥墮酒杯剩有  
繁華舊時夢疏松仍奏管絃來

宮鴻厯字友鹿泰州人康熙丙戌進士改庶吉士授編  
修有恕堂詩

小忽雷歌

文梓巧琢張鷟弦鳳皇曲項宮錦纏紫縉歲蕤搭左肩大  
音函胡小折廉發響倏忽雷闐闐韓公進自興元年玉釵  
紅袖人五千忽雷入隊樂部全興元天子方播遷瓊林大  
盈流布泉有司隨例進羨錢長蛇封豕橫八埏猶敕大官  
開玳筵文孫累葉更蔥然巨璫次第司天權太和歲終何  
顛連紫宸班定臣約前奏曰左仗丹榴然甘露凝結如珠

明倫彙編 家範典 卷五十一  
三十一  
圓臣訓鞠脆拜舞虔幕兵未出戶已穿輓輿六尺諸璫牽  
臣行餘璠節鉞專將士喘縮尻脊卷宮門飛埃橫紫煙女  
官執樂清淚漣忽雷寂莫歸市塵一千年後誰留傳祕器  
眞屢空覃研無乃燕石誇瑤璿我時力耕研北田癖古炙  
轂談夷堅泚筆聊賦忽雷篇

秀野堂讌集時俠君止酒以詩先之

手持秀野一帙詩讀之我猶屢解頤而況握手共君語絕  
口不飲安以爲君心玉節貫霜立君詩鐵騎空壁馳長安  
與君隔巷住橫行闊視誰能羈縱不車前戴畚鍤亦要車  
後懸鴟夷手揮羣豕舉大杓上頓入務尤恢奇竭來相戒  
欲止酒云此作病非所宜美疢豈因濁醪劇長身或恐書  
淫羸君鉤物情亦太盡更緣綺語雕肝脾好辭工書子厚

癖易去二病真良規脫君不輟洛下詠亦勿遽怒杯中螭  
明朝酒星聚南國待君手舉弧螯旗我觀酒人百態出意  
行投足無津涯笑視座中不飲客反用醉語相嘲詆正如  
狂泉飲狂國都不自覺形支離其君不飲得無恙轉被炙  
灼求癡牴座中主客盡龍虎千鍾百榼甯忍辭我今興闌  
若脫髮滿梳不復能收持久判酒徒嘲小戶聊用壯語前  
致師

過德州作

清河三日暫淹留又曳柴車向貝州一路黍禾迷澤雉半  
林桑柘翳山鳩馬頭北走邯鄲道鷁首南通漢沔舟厭次  
祠堂千古在當年金馬只俳優

削平魏璫墓爲張蘧若侍御賦

龜鼎龍蛇歲貂璫虺蜮儔姦能迷鹿馬心肯混鈴駟稂莠  
眞非類溝洿止下流初爲中謁者旋典大長秋保母黃羅  
服監奴綠臂鞬高明侯覽宅臲脆李膺舟遂喪澄清志誰  
憐草莽憂艱危逢夏馥倉卒問朱游北寺關三木西園拜  
五侯刊章收月旦投匭犯星郵鉤黨秋荼似爰書夏日侔  
噉人韓鳳憤階亂豎刁優左仗無甘露南牙有敗猶刀鎚  
憑頰舌榜楚代虔劉桎梏甘陵學銀鐙楚國囚摧殘登鬼  
錄殄瘁盡人謀笑看三台坼心甘萬姓仇不知百年後何  
意一杯留馬鬣西山麓龜趺大道周胡爲亂勝國竟得首  
高邱白日張星耀青春御史游乃心存義憤抗志見風猷  
伐惡追千劫誅奸到九幽豐碑立培擊狐豕旋鉏耨骨朽  
猶堪戮魂飄不敢啾當年六君子一笑擲吳鉤

龍游徐偃王廟

拘儒談往事百鳥同一喙盡信則無書故牒何足究穆滿  
方毫荒四海煢在疚纍囚盈犴狴飛龍躍天廡當時徐偃  
王坎弇引手救諸侯盡東來玉帛已輻輳德化亦旣闡大  
業偶不就後儒肆刻論竟遺萬年臭昔人更有說要足訂  
差謬殷扈以義亡徐偃以仁覆此論吾所憑名實正相副  
周宣讐淮夷自將耀戈冑當時豈乏材不敢任指喉可知  
徐方民歷久不忘舊功罪三古前是非干禩後聃董異見  
聞竹冊有遺漏子長生未晚文獻有所授世家編田齊猶  
有宰我陋何況今之人毀譽迭相構

喬崇烈字無功寶應人康熙丙戌進士改庶吉士有學

齋詩集

阮芸臺曰無功居父喪每泣則庭鳥爲下禹鴻  
臚之鼎爲畫飼烏圖朱檢討彝尊題詩三章

### 北河

北河之水來何方四顧白浪紛茫茫山崖擺石怒雷吼波  
臣肆毒民生戕可憐草木環巨浸汙者旣沒隆者黃老農  
道邊袖手泣滯穗那得希除芒邨邨黔首築隄集鋤鋤各  
致羊頭鋼喧填往來不得息略如巢燕銜泥忙秋成儻可  
得一飽此日敢惜胠胙瘡我來自京歸南井綠蒲十幅安  
吳檣濤翻岸斷不可辨竹索或曳人垣牆版扉土屋半在  
水居人餓食空橐囊我家苦憶淮黃側西兼白馬東廣洋  
年年稻田長荇藻以魚作蔬菱作糧比聞五旬雨不歇對  
此能勿心煩傷側聞聖人重人事疏濬有道誰其商

### 水帶子歌和竹垞先生

淮陰市門頭白翁壁挂一物環無終象則擊厲虬肖空枵  
然而游謹市蒙試叩是何器翁言厥用壺樽同御之不慮  
投驚深我昔浮大河畏作惡劇跋扈風一舟掀簸稟力不  
得施去砉爾崩濤滅頂瞽若瞽與聾顛倒下上間方寸餘  
惺忪恍惚一擲再擲落貝闕臨綃宮親聞臚京號令龜使  
驅羊工涼波一勺入我口洽洽直下黃庭中覆舟如覆盂  
摸索忽得逢攀援而出幸不死距今十有七載更得稱鳧  
公當時自恨致此晚令我水底從唵喁可知巖壑平生屬  
吳越揚子茫茫戒朝發錢江潮汐尤怖人往往臨之羨翩  
鶻況是我里門歲歲併受黃淮吞飢驅散者日已眾燕雀  
何以籌生存老翁索錢才幾貫我幸得之肯以三公換幾  
回滄海歎橫流南北東西鎮相伴公無渡河公渡河曩來



覆溺何其多從此致用應無訛吾師長水先生新作歌

秀野草堂觀鐙歌

秀野池閣間邱東千跗萬萼春煙籠主人弄筆追清雄好  
客不道陳元龍鄧尉花發山山穠好事千里千人從包家  
費家河盡塞四方併跡熾多舫主人辨物邀羣入山堂日  
吉謀清悰是時新正且未破上元雖過鐙猶紅周遮何止  
樹萬叢枝枝綴蠟緣春蟲碧天沈沈未上月青梢濯濯初  
彌風池塘冰泮新水灑遠近影落無邊中林虧竹蔽各窈  
窕疏者得密密者重不夜亭邊聽填咽銀花火樹何搖溶  
拔地一塔並兩峯黑雲半截垂天虹光燄或竊舍利顥雷  
峯不待南屏鐘葡萄一架製最工百千萃實纏櫛長安  
擔頭笑瑣細令我遠憶浮槎翁楚鞭戛擊聲磨空動地鼓

愕漁陽攻旃幢旌節徧山出三里霧合昏穹窿哀絲豪竹  
樂未終化人城與僊山通飈車電轂如有逢妙嚴仿佛來  
香蹤妙嚴梁武帝女遺墓在秀野園內紫霞之衣金綃幘並桃冠子偏髻  
濃白咽紅頰青青瞳臨水隔花小隊恭五花寂寞嫌幽宮  
青蚪躍躍白鳳雍採珠拾羽共游衍篤蓐一發雲已封厭  
厭夜半星橫縱主人與客歡無窮百瓶卧地拇折衝接羅  
倒著扶奚童明朝更約探梅去萬山寒玉含瓏鬆

移居留別長椿主人

春風生院草木葉冷霜天一一去來跡依依二十年與君  
同季世分手惜流川更下何時榻重尋未了緣

移居

移居從近市差覺與官宜漏水聽毋誤磚花蹋免遲鄰喧

沽酒肆夢隔護巢枝微祿慚迎母秋風冷鬢絲

奉贈林非聞前輩

明癸未進士

牆東有何好委身其間者往往有人在歲月定瀟灑我聞  
萬物若芻狗何物一官真敝帚乾坤清氣本生人橫目二  
足甯相負四明山雪竇水芒屨竹杖追黃綺冬一裘夏一  
葛芝房松鬣無飢渴當時海水變桑田今見文思帝則天  
手拋柏子高千尺回首優游六十年

劉青藜字太乙襄城人康熙丙戌進士改庶吉士有高

陽山人集

詩話太乙有寄弟詩云今生不盡團  
團樂那有來生未了因誦者泣下

茶至從友人索仙翁觀乳泉因憶舊游

環襄山者八槎牙羅羽衛高陽尤挺拔鵬襄丁戊位傳聞

葛孝先修真此焉憩丹竈冷松崖雙井留石碣憶昔踏青  
鞋赤壁蘇游歲霜飛曠野清雲斷長空霽同行八九人其  
六余兄弟盤回陟層巒紫翠侵衣袂黃冠導客行指點話  
遺事前臨古殿腳瞥眼泉溶滴垂垂滴復凝脈縷殊微細  
稍下匯爲池盈盈侵階砌其色如牛乳其紋乃蟬翅甘露  
脣未沾掬來知彷彿旋呼活火煎山風吹蘭蕙歎息謂同  
人此物信靈異陸羽劉伯芻品目胡遺棄茫茫天壤間何  
處無珍祕物必待人傳不然終幽翳舉醜賀山靈發潛快  
吾輩誓將謝塵鞿把茅向此地回頭已十年屐齒誰爲泥  
林壑夢舊游猿鶴空怨唳有客顧渚來紫筍蒨籠遺枯腸  
久未搜蟹眼急欲試雖無調水符猶識玉洞味君家傍山  
根挹注頗容易願言煩樵青軍持爲我寄

送伯章南歸

帝城春雨日霏霏孤雁離羣獨自飛最是客中腸斷處車輪聲盡掩禪扉

汲縣贈同年楊木天

楊洛人

不上天津舊酒樓五年常憶董糟邱竹書豕畔重攜手暮雨嗁鶻無限愁

鄭任鑰字維啟號魚門侯官人康熙丙戌進士改庶吉士授編修官至湖北巡撫有非輦軒橐

春蠶詞

蠶月人家愛晴旭紙筐分葉聲滿屋三眠過後桑樹稀稱來銀繭纒爲絲山村日午緯車響榆柳陰陰煙火遲憶昔民間累苛派新絲二月長先賣近年兒女有完襦急公更

足償私債艱難衣食在農桑年年拜祭馬頭孃不辭小婦  
閨中苦願作山龍藻火裳

丁士一字鶚薦號河峯日照人康熙丙戌進士歷官江

西布政使

立春後泛舟山堂尋陳肖坡學博故居

舊隱今何處幽尋蕩槳行人家多近水春樹已藏鶯石淨  
塵無迹溪澗瀑有聲桃源深不見遙望白雲生

下水船次壁間韻

船駛隨流水篙師鎮日閒灘回疑縮地帆轉欲移山過眼  
迷村舍乘風壯客顏計程淮北近次第翦江還

魏嶮字雲岑號念泉南樂人康熙丙戌進士官錢塘知

縣有鋤經山房橐且齋草

答吉敬先

尺素勞相問悠悠感別離  
關河爲客日風雨落花時  
儒術謀生拙禪機與性宜  
買山常有志誰寄草堂貲

同郝元鶴信江二丈訪孫山人

媿此塵中人來訪山中客  
相見了無言笑指春山色

陳觀永字安次陽城人康熙丙戌進士官濬縣知縣有

恤緯集

立秋日同漁沁若水麓亭升巖池上小飲徹夜

開樽呼酒伴爲愛此亭幽  
風雨驅殘暑乾坤動早秋  
鄉心分近遠雁影信沈浮  
更漏山城罷清商引棹謳

白露日歸途卽目

零露灑灑白空囊  
草歸野花能自笑  
秋葉未全稀雲斂

千山出風高一雁飛且舒蕭散意覓酒叩村扉

方棨如字文翰號樸山涪安人康熙丙戌進士官豐潤

知縣有集虛齋集

詩話樸山博聞強記尤長於三禮乾隆初舉博學鴻詞辭不就嗣又以經學薦復不應世爭傳其制舉文詩用宋法組織致工風韻遠出亦足名家

得蔣三湘帆札

直似家書到歡持抵萬金七年生別夢千里故人心絳帳

思疇昔

曲阜

顏師青袍歎陸沈頭顱如我輩慚負寢門深

書家信後

解弢墮袞幾溫涼俎豆深慚畏壘鄉投筆便如書已達寄  
郵翻覺事多忘貧家苦趣多男子樂府傷心病婦行何事  
最牽魂夢在劬勞母氏倩扶將



王子元日

爐燒楮桃符奈有窮愁歲不除坐守庚申憐影隻重  
來甲子當生初甕餘骨醉輪困蟹盤薦鱗鮮潑刺魚隨例  
一杯婪尾酒案頭拋捲讀殘書

段蠟生字相山號柱湖常甯人康熙丙戌進士官廣東

新安知縣有柱湖詩草

詩話柱湖少即負才吳三桂自號周於衡州試士迫  
柱湖入試不應試官命屬對曰附于大邑周柱湖應  
日以待天下清試官異之亦不以爲罪也與陳滄洲  
友善滄洲得罪屬其二子焉事白佐滄洲治河滄洲  
嘗贈以詩曰車經九折途原險口記三  
緘道自眞後出爲吏卒坐言事論罷

九日泊舟朱亭

綠淨湘江水歸帆客況消重陽誰送酒九日不登高季子  
金將盡阿咸興頗豪遙知音信絕老父念波濤

和滄洲韻

不須大藥駐朱顏，膂力方剛鬢未斑。  
塞外草肥誰牧馬，燕然天遠欲銘山。  
應思我輩分陰惜，豈覓人生半日閒。  
壯士功成身始退，河清海宴待君還。

何深字頃波，連平人。康熙丙戌進士官長沙知縣，有晴窗偶鈔。

秋日游干佛山

晚煙城郭合僧磬，徹虛空落日寒。  
蟬徑秋山古木風，沙明知遠火雲暗。  
聽歸鴻游賞諸天闕，拈花一笑中。

王萃字秋史，號蓼谷，歷城人。康熙丙戌進士官成山教授，有二十四泉草堂集。

王貽上曰：秋史詩骯髒，有奇氣，不屑一語雷同而趣味澄夔如清沈之貫達，與其人絕相似。雖忌者不能

不心折  
其工也

深冬坐雨

一年行且盡雙足暫相尊  
芋熟零星火門關冷落村  
寒隨風勢闊泉赴雨聲繁  
知識都無益茅堂謝屐痕

南園

何處絲筵有敞廬空存老樹  
與清渠亂泉聲裏誰通屐黃  
葉林間自著書草色又新秋  
去後菊花爭放雁來初菘畦  
舍北餘多少取次呼童一荷鋤

乙酉春日

山無歲暮庚辰雪柳少湖邊  
癸亥春自笑空堂雙屐在不  
知著出向何人

西河沿酒家題壁

松漿初壓自清渾泥飲誰家老樹根野水不知深幾許半  
陂秋漲到柴門

擾擾京塵已白頭眼中難遣是句留日來何處無拘束不  
在僧窗在酒樓

西山田家產一衛田主奪歸不適于乘有鄰之旁邑  
姑借乘須臾往還五百里祕不言主鬻諸屠鄰聞  
同往贖刃矣始言衛狀感賦

有衛駸駸技千里羈紲不受高雙耳識其技者欲得之千  
里之技死于是嗚呼無用全天年士信知己詘知己浩蕩  
九衢十丈埃龐然黑白行且止

沂水山行卽景

鹽背寒銷破帽溫鞭絲漸遠雪泥痕亂山一路青駝寺多

少東風到店門

海鏡庵與文悅上人茶話

佛火魚龍裏寒潮鐘磬邊數椽空所有一水息諸緣茶色  
浮鮫市帆痕落水田爲言花事後時見蜃樓懸

九月十八日與杭客游干佛山余不至是山者十四  
年矣

孤嶂孤花漫寂寥山靈應笑鬢蕭蕭僧殘老樹餘雙寺佛

冷空泉自六朝山厓像設鑿于北魏杖倚秋煙剛半起袖攜海氣未

全銷時歸自海上者半月蒼然華鵲斜陽外可以西冷第幾橋

張謙宜字稚松號山農膠州人康熙丙戌進士有覲齋

詩沈鬱集

詩話山農少落拓以詩名中年折節讀書晚乃成進士不仕閉戶撰述年八十二自作傳縷述其平生

明正余言四卷五十一

三

擬贈程穆倩

誰能詩思入風雲，屈指南都老隱君。  
脈望仙魚含斗氣，禹陵祕笈走龍紋。  
山封乳洞還招隱，硯帶霜皴未可焚。  
北地崆峒稱勁敵，也應心折水犀軍。

早發廢邱關

閣道苦淋雨，秋陰不肯晴。  
曉渡廢邱水，雨脚四塞橫。  
策馬上半山，親見白雲生。  
竹木陡昏黑，蟲語空秋聲。  
朝暎閃高頂，丹砂霜葉明。  
白雲倏舒卷，上與蒼天平。  
勞勞問前路，深媿山水清。

萬里橋上望浣花溪

逢人先問浣花溪，萬里橋頭路向西。  
錦水細浮紅葉下，雪山高壓白雲低。  
炊煙繞屋斜分竹，落雁將雛晚傍隄。  
景物

曾經離亂後懸知當日是幽棲

中衛

山勢東南盡河流西北斜旋風高折樹烈日下蒸沙斥土  
無螢火炎天有柳花田淤香稻葉水冷細芹芽虎跡連荒  
草駝鳴急暮笳孤城開四術板屋列千家烽接臨洮塞星  
衝北望槎青酥三接酒中酒名紫雪九蒸茶邊茶馬市雕  
題譯浮屠馴象車佛曾分舍利龍亦載袈裟禮視和親重  
裝如報聘奢降王收部曲堠騎射亭鴉四姓歸都護三邊  
付押衙秦兵方嘖啻齊客正咨嗟倚劍崆峒外垂綸瀚海  
涯壯心愁歲晚秋色上蒹葭

游蘭州五泉寺登鬢雲閣

曲檻排山骨藤蘿四壁懸苔青蓮葉下樹老佛燈前石透

雲烝窟泉深月在天半空聞妙梵孤磬隔溪煙

偶成

一月村中住心清學息機竹香人獨坐花落燕雙飛客莫來投謁書常引下帷今朝晴更好自曬舊蓑衣

鞍子嶺

前嶺下陂陀驛路疑中斷峽轉地軸開山形又一變遵路復前驅平蕪眺遠岸馭者正揚鞭岡阜重相見覆甌各低昂菁蔥而峭蒨一笑下長轅徐行將過半迴首望復嵐煙橫如匹練借問跨石鞍何如馬道棧

自馬道驛至閩王碕山如鞍者二十四處

蜀道畏途子壬戌年所經

張璘字豈石號湘門湘潭人康熙戊子舉人歷官大理

寺少卿有石漁詩鈔



明倫彙編 家範典 卷五十一

七日送梁大質人往肅州

七載分攜楚水濱，白頭吟苦見交親。  
重逢人日題詩地，猶是天涯遠客身。  
老去殘骸還作健，生來傲骨不憂貧。  
行行盾鼻書還著，每把高文輒有神。

一卷光芒懷葛堂，讀書搔首望蒼蒼。  
此生有願事千古，明日思君天一方。  
金椀荒邱悲蔓草，鐵函良史凜秋霜。  
岐陽此去應回首，記聽歌聲是楚狂。

汪繼燦字倬雲，號恬村，秀水人。  
康熙戊子舉人，歷官吏科給事中。  
有恬村吟藁、燕臺小草、視臺草、雙椿草堂

集

詩話：倬雲，碧巢戶部子，巡視臺灣，能舉其職，未復命，遭親喪，遽卒。

抵臺陽

奉命梯航賦遠征無多謙從旅囊輕乘風有願追宗慤擊  
楫無勞羨祖生萬里恬波通貢道九天使節重專城水程  
亦有郵籤報歷徧重瀛十一更

吳麟字子瑞號晚亭滿洲旗人康熙戊子舉人官內閣  
中書乾隆丙辰舉博學鴻詞有黍谷山房集

雨

海氣東南來初望若積霧漸近色轉白濛濛勢散布次第  
失峯巒微茫認林樹村南萬頃田不辨溝塍處廉纖方泐  
塵已聽檐溜注隱几坐空窗澄懷擬禪悟靜課趁清宵一  
卷水經注

戊申除夕

守歲京華夜驚心歷十年一鏡青似昔雙鬢白於前塗抹

負佳日飛騰謝舊緣修名歎遲暮前路復茫然

入都喜晤諸同人小集絮影軒分賦

芳草殘陽百里程到來頓覺歲時更敢言陶令還歸社笑  
說龐公又入城小閣風花新意致故人旗鼓舊縱橫酒闌  
惆悵瞻明月落絮窗前雨乍晴

送夏鍾歸閩中

重來京國幾經春仍是翛然雲水濱卞氏璞完無用泣嵇  
生龍老更難馴潮聲到耳驚鄉夢海味登盤憶故人衰舊  
共憐今日會將離對酒淚沾巾

戴寅字統人號東溟滄州人康熙戊子舉人官定南知

縣有小戴詩草

詩話東溟爲裕庵庶常弟從兄入京師與吳荆山汪  
武曹何杞瞻諸君游學乃大進詩宗晚唐尤工倚聲

鷹潭道中

荒雞催客夢侵曉踏征塵嶺路餘千折山車祇一輪帽檐  
低礙樹潭影倒句人莫向東山去山靈笑此身

旅夜

孤館殘燈盡短窗落月斜河聲猶在枕客夢已還家身世  
悲蓬轉風霜感鬢華六千歸路遠強半尙天涯

多景樓感懷

無端風雨滿山樓樓外長江忽倒流海氣乍沈瓜步樹潮  
聲暗送秣陵秋六朝割據僧粗記一髮中原我欲愁往事  
傷心還極目側身天地歎浮漚

許湜字澹園石屏人康熙戊子舉人官新興知縣有澹

園集

滇南勝境

振頓心神碎林巒忽霽顏天開松嶺小家近馬蹏閒落日  
低平楚飛鴉度遠山昨宵風雨客黯淡宿黔關

山村

一徑松陰轉人家半嶺分溪聲常帶雨鳥夢不離雲野興  
吟秋色閒情醉夕曛羨他田舍樂雞犬亦欣欣

覺羅固興額字怡亭號漫翁康熙戊子副貢襲雲騎尉  
有漫翁詩草

淨業湖

水長疑無岸蒲深自有風鴛鴦閒浦外苓簪漾波中舊識  
漁家子輕舟蓮港東何時此相見蓑笠出花叢

趙熊詔字侯赤一字裘萼武進人康熙己丑一甲一名

進士授修撰歷官侍讀有趙袞萼臚橐

月下觀惠山泉

此夜清輝好來尋第二泉影分揚子月光近太湖天古砌  
涵秋色空亭帶晚煙半輪愁滴碎斜照石欄邊  
爲愛團欒景重來翠壁間有心常對月無意復看山亭浸  
寒光闊泉流素影閒徘徊九龍下疑是戲珠還

飛花

枉教辛苦費天工此別何由返故叢落水霑泥判未得爲  
君珍重舞迴風

惺忪無奈曉風催抵死空階去復回傷別有人慵未起又  
隨蝴蝶夢中來  
色香銷盡剩清涼羞逐東風度短牆斷送一春空愛好有

何心緒嫁王昌

地老天荒夢裏身東西未卜去來因不如一片隨流水猶有漁郎解問津

繆沅字澧南號湘芷泰州人康熙己丑一甲三名進士

授編修官至刑部侍郎有餘園詩鈔

黃崑圃曰湘芷古詩上凌鮑謝

七言則元白錢劉抗行無讓

詩話沈確士序湘芷詩謂宋牧仲撫吳時選江左十

疑湘芷自海少作芟蕪獨多而惜牧仲不及見末由與之商權觀此可知其致力所在矣

吳山山後觀亂石

披月訪名山雅具林壑癖歡攜筇寄人芒鞋穿亂棘造化苦雕鏤皴皴詭裁織穿鑿已殊軌卷然罕定式性堅理以曲膚皴體難直厥初誰磨礱崔嵬巧借力當時補天餘散

早耳余言四卷王十一

三

令絕壑殖神漢流養養鐘乳懸湜湜象脰紛可寶猿尻杳  
莫識幻作眠獅形猙獠險難陟維糝如古篆蚪蚪獮劣崩  
蟹眼光磨雲幽洞草生翦伸爪作之而權奇杳無極遠圻  
巨靈蹠神鼇齒戛戛菴若臙脂錢斑纈有萬億黝如醜婦  
瘦兒之不再憶黃若新鷲拳翡翠穿胸臆我歎魂磊多填  
膺悲莫抑青精誰作飯令我好顏色擲杖歸空林厓柴聞  
翁息

山雨乍霽由桃花澗歷天開巖覩禹碑望最高峯慨  
然有出世之想

掬水沆山泥藤牀睡初覺空山一夜雨飛瀑千峯落起來  
天字清曉雲露斑駁澗水東西流噴珠滿大壑宛轉如游  
龍天矯不受縛首尾一鼓盪鱗爪恣拏攫森森疊浪巖皴



匏瘦如削起伏生波濶圓穹大包絡破碎瓊瑤瑛跳擲狙  
猱攫趺坐作水觀清響聆竽籥喧極靜意俱冥心契寥廓  
曳杖行前岡適與山僧約將窮最高峯搜奇出齷齪徑路  
共猿爭上下似鳧躍厓花冒葛衣萐露溼芒屨枯藤立伶  
俚倦蝶穿略徇搖搖鳳折膝戢戢牛礪角攀躋高送眼崎  
嶇危著腳山果團青紅酸甜漸可剝朋牽寄生草蔓引攝  
生藥幽巖從天開化工巧鑿鑿陰磴竄鼪鼯陽竇捲亂籜  
石軒久傾頽空壁就捫摸禹碑古篆奇鸞飄還鳳泊如從  
响嘯過探奇自南嶽松風迴杖底人語出林薄絕頂望茅  
茨天風隔蓬弱梵唄音琅琅木魚間金鐸振衣擬往從十  
步三四卻開山思法度團瓢此棲託我生實鈍根踪跡判  
塵濁僧寮一月住飲啄類孤鶴何當將家來鑿坏飽葵藿

夢與東坡言芙蓉城事甚悉坡公曰余前詩挂漏甚  
多醒時追憶其語補之仍用原韻

芙蓉花開香青冥城中環珮聲東丁美人影入琉璃屏衣  
衫飄緲光娉婷紅綃萬縷花煙青花枝歷碌鋪繁星浪言  
服食能鍊形雲路千層誰所經荒唐此地棲真靈蒼蚪導  
入驂雲輶或云主此石曼卿四天王映花芳馨觀文幾曾  
歸紫廷恐是浪語朝士聽流傳遂曰帝所合城中設置何  
軒櫺臨霞帳望不可憑丹樓漠漠風清冷丹樓失鑰夜不  
扃瑤英偷入騎鸞翎丹砂鍊就驅雷霆歡攜子高坐中亭  
元猿白鹿可結盟美人三十敲蛤蜊丁公吐語風觸鈴延  
年倒卧醉未醒夢中絮語方吟喟牀頭倒繫雙玉瓶百日  
易過淚欲零塵埃一墮罡風腥素騾恍惚嘶空溟道逢東

坡訴飄萍恨不長年守黃庭下士瑟縮如焦螟且飲美酒  
為延齡莫恨孤凹與絕邢

惠山第二泉試武彝茶歌用商邱先生韻

寒泉九曲夢未到瑞草一束叢生巖氣蒼味厚色轉樸雪  
煩驅滯心為悅廟山蘿芥苦柔媚配此風格方相兼閩僧  
前時裏寄我日夕蒸焙誇茅檐行纏南泝不忍棄驅屐白  
碓標紅籤竭來試茶山水窟獠奴蒨葉勞包緘松響颺颺  
風鼓浪泉音琤琮水拂簾雲垂綠脚滲遙碧香浮翠乳凝  
空嵐泉清石白正映發夫豈尤物橫碾砭從來萬事尙標  
格咀啜至味無人探斯水煮茶合第一虛評浪語空譏讒  
是時山空巖骨露一塵不動含晶鹽餘甘漱齒喉吻潤恍  
在武曲搗吟髯胸中腥腐滌欲盡茗柯妙理搜叢談

鮑山

鮑山山色如眉綠，螺黛挽煙青。簇簇洞中聞，有了髻童手。  
把銅盃挹銀瀑，金仙真誥落。荒厓猛虎道，旁時懾伏。五色  
肉芝供客啖，駐景無勞更。辟穀竭來山下，悄無人閒。凭一  
杖桃枝竹，不逢羽客佩。方符但見歸，農駕短犢山中居。人  
留我住地，鑪火煥新芻。熟我懶尋仙，思采隱徑來。就汝山  
齋宿。

游萬泉寺

果下趁羶曉來猛，導我看山趣。獨領東坡自是飛，仙人籥  
雲已過招提境。支筇殿角神倍王，握手山房冠不整。高低  
禾隴聞稻香，曲折水田送秋影。老柳衰荷水面亭，大瓢小  
杓松間瘦。披榛闢莽尋萬泉，山路崎嶇樂清迴。旣無塵土

三丈撲況有水雲一千頃高人詎肯受羈縶野鶴尤能伸  
脰頸就中何可少禪悅此地端須搖舴艋藕香一瓣心骨  
清味似醞醐風趣永已見泉流白石根還看月出孤松頂  
升高望遠腰腳健朵朵芙蓉臨倒影香林解帶復句留隨  
意村醪雜山麩輞川後約和裴王窺園不待鶯三請

次韻和王令詒給諫移居

傍檐才妥玉丫叉疊架圖書得幾車亟遣長鬚新掃徑旋  
教阿段手栽花較量酒戶尋張老

白詩酒熟尋張老

斟酌詩鄰近

孟家問訊一枝安穩未百年何事不浮查

紗巾敲落夜堂邊自在能參法喜禪熟睡乍回翻有味生  
衣初試亦堪憐驚棲三面巢枝鵲長嘯一聲高柳蟬竹塢  
鬪茶人散盡博山香燼半鑪煙

重過封氏園飲矮松下偕查夏重錢綱庵顧俠君作  
婆娑偃蓋一杯前閱盡滄桑五百年謾謾濤聲涼欲雨茸  
茸針刺密無天金仙換劫長如此銅狄看人亦可憐貞白  
先生竟歸去得閒長挂杖頭錢

熊務先自滇中來相聚東湖今歸涿鹿賦此奉贈兼  
懷六觀章之兩前輩

碧山學士久焚魚愛子聲華冰玉如章貢煙波遲笠屐點  
蒼雲氣接衣裾空江落木將迴棹白髮青鐙正倚閭高適  
陳登風誼古沙頭執手野踟躕

謝敷宅

遙天笙鶴萬峯青石厂周遭霧雨溟今日吳中高士少不  
愁月犯少微星

戴名世字田有一字褐夫號憂庵桐城人康熙己丑一

甲二名進士授編修

詩話田有晚年登第以南山集興大獄伏法著書銷毀後同族戴存莊補輯文集至光緒初始刊行文有逸氣在桐城派中自成風格不以詩名集有齊謳集自序久佚不傳惟爛柯山記中載二絕可見其鬱勃不平之氣

題爛柯山石壁

採樵偶向洞天行一局中間世已更不看仙人貪采藥  
模糊復覓前生

謫向塵寰病未瘥同班仙侶近如何語君奕罷朝天去爲  
謝狂生罰已多

趙國麟字仁圃號拙庵泰安人康熙己丑進士由知縣  
官至文淵閣大學士有雲月硯軒詩稟近游草

詩話拙庵以丙戌捷禮部試至己丑乃應殿試初介  
長垣不數月庶獄悉就理歲饑發粟治賑河溢親督  
築隄禦水屢遷長蘆運使清操尤著遂陟  
封圻登臺閣正色立朝侃侃如古大臣

初晴再同健庵游紫陽登瑞石過大道觀至鍾翠亭  
而歸

登山如讀書深造始得旨草草一登臨鹵莽涉獵耳昨日  
紫陽游風雨促歸止歸卧怨夜長推窗測朝晷瞳矐日初  
升快意成狂喜策杖到山椒緩步窮其美石色映晴旭蒼  
翠徧肌理峯峯透嵌空寸寸簇羅綺舊境獲新遇石壁勒  
圖紀按圖搜名勝七八得所以江水淨如練湖光明如紙  
左顧列萬瓦鱗鱗集眼底乘興西北游桑柘徑迤邐大道  
存古觀巒岫疊伏起吳山此一隅約略窺原委茲游不草  
率可免昨日恥



古風

亭亭雪裏松拂拂風中柳皎月未沈樓紅日已盈牖閨中  
感歲華紈素不離手不作嫁衣女願爲織機婦豈不苦力  
作賤妾意所守

岱陽有古柏柯榦堅如石衆鳥巢其巔鳳凰來作客翾翾  
羽儀輝翱翔雲漢薄飢飧玉山禾渴飲伊與洛聖世待來  
儀網羅誰能索亭亭梧桐枝鬱鬱高岡宅長鳴不顧返九  
州若咫尺君看迎陽雁常爲稻梁迫

水簾洞

銀河西瀉散珠房東澗鑄經滿石梁遙憶匡廬千尺瀑何  
人爲築讀書堂

阿克敦字冲和一字立恆又字恆巖滿洲旗人康熙己

丑進士官至刑部尙書協辦大學士加太子少保諡

文勤有德蔭堂集

詩話文勤初得第受知景陵學問聲名兼邀褒許  
迨雍乾之際出佐戎旃遠持使節建固圉安邊之策  
遂陟正卿襄大政尤以博大清介厥文成勳業之盛  
相傳文勤嘗燕居文成侍立文勤問汝為刑官治獄  
宜何如文成對行法必當其罪罪一分與一分法罪  
十分與十分法文勤大怒謂罪十分治之五大已不  
能堪而況其盡且一分之罪尙足問耶其持大體務  
遠歎卽是言可見仍世韋平為時韓范非偶然也詩  
質實伉爽如見  
正色立朝風度

讀漢留侯唐鄴侯傳

大道有消長哲人在乘時身心役於物出處失其宜緬彼  
子房賢悠然使我思博浪報韓仇英聲震八陲密謀參帷  
幄摧項如嬰兒成功以告退願與赤松隨從容儒者風高  
踪誰可追長源曠代合白衣帝者師二京恢復策千秋竹

帛垂讜議寤人主骨肉無猜疑  
遐情寄放達山巔與水湄  
漢唐兩先生令聞善保之託言養生術羅網安所施神仙  
亦杳渺功名不可羈遺編覽夏日綠葉亞槐枝

吳義民尋弟詩

兄弟他鄉遇關河故國非幾年  
悲遠別此日更相依暮雪  
迷山徑邊風凍日暉人歸甯古塔和氣滿庭闈

即事

宏濟院邊催曉發慕華館外駐  
征鑣鴛班排立虔瞻拜五色天書下絳霄

慕華館距城十里國王出城至此行迎勅禮

麗人武事自稱雄短劍寬衣襯小弓  
馳驟憑他執鞭者空傳果下是朱蒙

朝鮮稱三尺馬為朱蒙所乘果下種馳驟一隨步從弓劍最小武事下矣

結綵高懸崇禮門肩輿雲擁一城喧  
避人清道迎天使引

入藩宮禮更尊

早設重茵便殿中升階就位列西東向臣頻問天顏喜心  
感皇恩異數隆

準噶爾歌

噶爾丹策凌之部落名準噶爾

緬惟有元主中夏版圖日拓朝外夷西塞四種厄魯特駝

馬牛羊分牧之種類之中準噶爾善於收馬日蕃滋部落

酋長謀勤最屢降丹書晉太師元祚寢衰帝北狩一傳再

傳不自持額參強盛收蒙古土木之變是所為額參太師

策凌之先祖明正統之蒙塵乃額參收蒙古以後事今元

蒙古紀載甚詳明史曰也先蓋漢譯番言額參之誤也元

帝子孫號戴廕翦伐厥後威更施嗟彼喀爾喀實乃有元  
之本支叛虜不臣肆侵擾渙散奔走何慘淒 聖祖納降

誅有罪噶爾丹滅無子遺兄子策旺遜西域策旺阿拉布坦者噶爾丹

之姪噶爾丹娶其母而殺其弟故遯走西域收敗亡之餘卒取回地以成國苟安於世飾詐欺

子濟父惡惟恃遠噶爾丹策凌者策跳梁小醜亦太迷我

武維揚殲逆寇年來膽落望風靡將士鼓勇思奮擊直搗

其巢及此時帝曰普天之下皆赤子雖在殊俗忍視歧按

兵不殺俟悔悟予以自新一介馳好生之德洽蒼昊蠢爾

悅服中心移表上謝過遣貢使臣得遭逢千載奇天時人

事詳審度臣敢拜手以獻昇平詩

呂謙恆字天益號澗樵河南新安人康熙己丑進士改

庶吉士歷官光祿寺卿有青要集

詩話天益成進士後其子樸巖三十餘年蓋登第已甚晚早歲以詩稱詠秋夕云月遲羣宿動天迴一峯孤其兄元素少司農大賞之元素官甯鄉日即為天益刻青要集其後同官京曹兄弟唱酬詩乃益工

宿隴州龍門洞

出郭沿清流登高陟曠坦遠峯翳輕陰奔峭若在眼望煙  
指衡茅緣岡上修阪入峽未卓午雲昏晝疑晚冰泉石齒  
冽陰飈林鬣卷移時聞奔雷循崖見曲棧石色混空碧青  
蒼互瀾滿飛夢赴巖敲浮杠憑索轉渡澗更奇絕危削愁  
步蹇疑有避秦人或藏茲洞館樓卧聽崩洶欲寐還屢輾  
松窗片月明捫星信非遠

懷浦大雲曠

曠然念江海所思何由見人生各有營況復隔鄉縣漢水  
一爲別畿南再識面悠悠二十年星霜嗟流電京華厭旅  
食歸卧滄海旬念君無舊業躬耕亦虛願清宵夢悄悄何  
以明縑綵蛟龍踞波濤魂來不敢盼垂老阻良覲生死遙  
難辨爲儒寡世用五字名空擅天地何寥闊吾子竟貧賤

游石淙

亂山磳硤疑無路披盡蒙茸向煙霧澗水淙淙忽有聲崩  
崖石罅相迴互其下深潭一千尺俯視蒼黑不敢立夜半  
常聞雷雨鳴潛蚪跋浪時出入激湍噴薄結輪風虛洞盤  
回若履空靈怪應從天地闢嶽崎不與斧鑿同捫壁穿雲  
歎奇絕古碑剝落苔蘚色妖后當年駐翠華詞臣扈從爭  
珥筆嗟乎石淙多名箕山潁水空相惜十年真負海嶽  
志徙倚高天生遠思歸來月照松窗明夢魂猶繞雙峯翠

漢南送張二慶餘歸吳門

黃山驪嶺起嗟峨萬里征車此再過愁裏關河勞遠望客  
中風物易悲歌煙殘古戍行人少日落邊城戰馬多歸去  
吳門秋雁候音書應寄到岷嶓

送杜樊川之石門主簿任

十載詩名滿甸畿，高才不厭一官微。  
驪駒聲裏難爲別，黃葉樽前不定飛。  
到日江城閒簿領，初冬驛路冷征衣。  
浣花格律何清健，此調於今和者希。

送內弟王擬山歸里

觸暑驅車亦太勤，十年同氣地常分。  
人當老至難爲別，雁到秋深不可聞。  
蘆水風高吹遠岸，房山雲霽見斜曛。  
歸塗覽勝題詩處，白露丹楓倍憶君。

呂耀曾字宗華，號樸巖，河南新安人。康熙丙辰進士，由中書官至總督倉場，戶部侍郎，有橫山集使黔草。

宿聖感寺

太行蜿蜒千餘里，重氣磅礴鍾林泉。  
京城之西尤佳絕，萬



里綿互環幽燕我聞聖感名已久欲一登臨愁攀緣重陽  
雨霽後三日桑乾水淺流濺濺公餘策蹇訪般若鼓舞直  
上如登天松風謾謾時入耳紅樹青岑相新鮮石徑法海  
培塿小西望惟見山聯翩上方更忻逢惠遠談禪坐久望  
言詮知我性喜弄文墨開篋示我詩千篇方袍有人善知  
識二十八紀從茲傳散步西軒窺深雪水湧乃在山之巔  
烹茶細品味甘冽習習風生超雲煙東上平臺臨皓魄山  
高星動冰輪圓元規去此幾千里寒氣侵人身欲仙下宿  
方丈聞鐘磬夢魂彷彿逢倥傯

呂憲曾字章範河南新安人康熙戊子舉人官激浦知

縣有舒亭詩草

送十二弟宗則之祥符教諭任

西風吹鴻雁飛鳴過園林嘹唳入我耳淒淒動我心我心  
胡爲動爲言別弟昆弟昆共一堂吹簾和以填歲時聯宴  
會伏臘共明禋禮貌無雕飾性至情自真中年紛仕宦南  
北歎離羣憶昔同就傅受業有先民戒我端趨向教我以  
成人悠悠四十年玩愒負師恩賢書雖濫厠詩書氣未深  
子今爲人師德成必有鄰鬢宮育才地梁臺多嘉賓行矣  
敦教化努力振斯文以此勤職業應知吾道尊我行悲遲  
暮宦蹟等浮雲垂老仍墨綬勇退是夙因白頭期聚首天  
涯各愛身

方式濟字沃園桐城人康熙己丑進士官內閣中書有

陸塘初稟出關詩

詩話南山集禍作沃園自知不免多方以脫宗人尋  
隨父同徙塞上定省外獨處一土室著書不輟與父

臨明詩話卷五十一

同卒遼東子恪敏公觀承孫勤襄公維甸兩世節鉞相承方氏之廢興洵不可測矣詩摹昌谷不僅形似

### 城上烏

揚州城上烏傍晚城樓歇蔽日飛啞啞天光乍明滅揚州城中百萬戶香塵細碾平山路侑酒牆東倡繫馬街南樹前朝勝事稱紅橋珠簾畫槩聞吹簫一夜神兵渡淮水礮聲震動無堅壘血濺孤臣舊戰衣降旗不見城頭起雨溼沙黃鬼晝哭至今豐草埋遺鏃飢烏不識太平年猶想城頭啄人肉

### 玉笛引

遺釵斷髮填宮井擲笛魂歸春苑影牆外無人三兩聲碧墀鋪月梨花冷記得西園侍宴時君王愛度涼州詞長調穿風無氣力銅盤露賜傳催急白楊瑟瑟迷金盃纖塵光

掩昭華瑄歌臺小妓慣偷吹誤漬殘脂口香滿蜀山破夢  
漏丁丁不敢牀前自報名迴廊弓印驚鸚鵡夜夜親來續  
簫譜

五葉詞

碧山瑤草驕蘭荃鬢髻五葉光芊綿厓敲谷轉箭牙密土  
膏放煥龍耕煙靈根不死千年在留與丹臺助嵐彩金骨  
仙人石鼎漿一呷能令壽山海耆峯渺渺軒轅邱地脈沃  
盛徵天休上黨新苗雲液薄深林誰復窮冥搜兔曰已收  
紫芝滿玉桃樹下嚴司管青毛使鳥罷銜符兒戲東方欲  
搗腕法星奏補三章約輕死空求延命藥斫桂雖無繡斧  
加蹒跚已折元烏腳天外九衢春瑟瑟六丁直日關梁塞  
溪畔胡麻夜起塵落魄愁來赤松客

望見卜魁城

一片沙昏數尺牆斷埤煙景亦蒼蒼怪來戰馬防秋地說  
是書生送老鄉五十三亭燕樹隔六千餘里楚天長勞肩  
息後尋詩料雁月笳風拾滿囊

何世璣字澹庵一字坦園號鐵山山東新城人康熙己  
丑進士改庶吉士授檢討官至直隸總督贈禮部尙

書

詩話雍正間督辦兩淮必極一時之選鐵山尤著廉  
聲超擢撫黔內貳西曹歷吏戶二部復出督畿甸旋  
卒於官少受業於漁洋撰然鐙  
記聞述論詩之旨一歸於雅正

漁洋先生招同門諸子雅集以五月賣松風人間本

無價爲韻得價字

烏起星欲沈塵飛月當下涼颺挽不留炎氣紛相射比來

奉清言卜晝仍繼夜髣髴長松裏萬壑秋濤瀉風生兩腋  
間蕭然不知夏吹物豈無心報瓊詎論價以此託心期登  
仙比羽化又如顧長康佳境得食蔗粲然謂熱客腐鼠何  
足嚇

東阿道中

雉麥剡剡翠欲齊四圍山色傍人低花明柳暗前村路布  
穀春鳴日正西

芮復傳字宗一號衣亭寶坻人康熙己丑進士歷官浙

江溫處道有衣亭詩草

詩話衣亭自中書改令錢塘翁然稱循吏擢守溫  
州五年以治有成效就除溫處道詩蒼秀有骨格

感懷

回翔浙水徧西東三十年來夢覺中拄笏看山眞落落抽

帆到岸太恩恩靈龜以甲難辭灼慧鳥能言枉入籠縱有才華宜自惜當春試看擘花風

朱陵洞

朱陵洞口下飛流百尺珠簾挂未收  
仙女晏歸深夜捲碧蘿爲帶月爲鉤

聞雁

平沙淺渚耐寒霜叫破燕雲憶斷行  
莫怪蘆汀眠不穩衡湘雖好是他鄉

周人龍字雲上號躍滄天津人康熙己丑進士歷官江西督糧道有居易堂詩藁

舟中寄衣亭五弟

宦海分飛各一方西江離緒更茫茫  
南看桂嶺雲千疊北

望燕臺樹幾行獨雁天涯春信杳孤舟江上晚風涼年來  
漂泊同鷗鷺翹首鷓鴣萬里翔

晚晴箋詩匯卷五十七終



首領飄萬里

天數齊奇杏

晚晴移詩匯卷五十八目錄

張照 十六首

蔡世遠 一首

李紱 二首

黎志遠 二首

徐用錫 一首

陶成 一首

黃越 一首

賽爾登 三首

馮光裕 一首

岳禮 十首

田榕 十四首

查為仁 六首

原勳 一首

李子望 十七首

楊維元 一首

郭遠 二首

王世琛 五首

沈樹本 一首

徐葆光 四首

胡煦 三首

王圖炳 三首

徐杞 一首

程夢星 五首

秦休 一首

鄭之僑 一首

杜詔 六首

胡安 一首

林佶 二首

陳惠榮 八首

李慎修 一首

謝濟世 五首

王箴輿 七首

王瀛 一首

王鈞 三首

朱倫瀚 十一首

明時余言匯卷五十八目錄

明時余言匯卷五十八目錄

晚晴移詩匯卷五十八

徐世昌

張照字得天婁縣人康熙己丑進士改庶吉士授檢討

官至刑部尚書加太子太保吏部尚書諡文敏

沈歸愚曰文敏性地高明通釋氏

教所作詩左磕右觸皆禪語也

詩話文敏交於桐城與西林異趨苗疆之役純皇

終始保全卒後十四年以獄中題白雲亭詩卷詞

意怨望又命蔣文恪向其子張應田寓查取所遺筆

札諭旨有未經朕覽舊詩入集中語意家刻詩文集當

燬於是時迨御製懷舊詩列於五詞臣纂辦一統志

實為張照雖不得謂醇儒而其資學明敏書法精工

江府志藝文得天居士集無卷數注云婁志作古香

亭集天瓶齋詩鈔似亦未見本書乾隆二十二年敕

編天瓶齋法帖十卷勒石內府女夫孔繼諫刻玉虹

樓瀛海仙班諸帖寫梅蘭作大士象世以涇南南華

並稱天資超絕年皆止五十餘多應奉之作故真蹟

尤罕傳也

壽雲上人七十

雲松老畫師現身為德士蘭松怪石竹小小六通戲京師  
大隱區丈室蒲團地江山百代秀盡落師圈襪筆尖一指  
出咫尺萬里勢身輕臘逾高雀喜瓶閒寄相忘居井蛇那  
有上天刺於今七十年應身常如意知無性七十但有門  
不二我家宦京國識師已三世師來道故舊多余不知事  
笑指長鬚奴見其雙丫髻一歎歲月深廿年屈伸臂後佛  
十二日早余廿三歲高坐天花來面目難為祕人天與佛  
祖一樣毫端繪在天為虛空在地為物類當其下筆時何  
者可思議未妨再七十珍重眉毛翠

奉敕題畫菊

花品疇同古逸民此花有骨不開春空山之中八九月干

載而上兩三人行傍巖崖思采采如聞潭水尙粼粼潔茲  
筐筥齋心訪日月精英冀得真

觀海

境界真無兩聊爲物外觀乾坤浮一氣今古浸雙丸野鳥  
飛難過真仙望亦寒人間白少傅高詠海漫漫

夢

故故新新暮更朝是因是想任參寥乍離還道明明在欲  
說翻成漸漸消佳處何妨留一世昔人難得話連宵九天  
十地皆如此君僕猶當爇火嘲

論董書絕句

繭紙昭陵閱古香一端雲錦屬香光曾經八景輿前拜親  
見天衣下鳳凰

始信神仙自有真  
珊瑚骨節玉精神  
不教三斗塵銷盡  
碧落甯容著此身

消殘智勝如來墨  
寶札香光永不渝  
莫怪三千人拂席  
只緣未覩髻中珠

冢中秃管已盈千  
畫被栽蕉廿七年  
到此依然書不進  
始知王質少仙緣

衣帶過江宣示表  
漆鐙夜照屬王修  
今宵偶記遺他日  
可得千年伴我不

妍花在鏡香無著  
俊鶻干霄力透空  
未到此中真實位  
爭知施女有西東

湧出華嚴自在雲  
秀華葉葉漾秋旻  
了知不作煙豪相  
入法如來屬此君

題蔣南沙畫雜花詩

百花各有時遲早不相買代謝鱗次之適性隨所受胡不  
並敷榮一侈富媪富大化本無心在物理則囿睠茲弱植  
蔓月月一披秀初生益部中謂無霜雪茂移根植他方開  
花宛如舊乃知小草心能與四時副才全古所難撚花無  
言艷月季花

岸上鯉魚風芙蓉別秋水滿江雨腳來波面蜻蜓起揖雨  
還拜風蓼花紅邐邐莫訝愛江湖前身是魚子紅蓼

汀洲秋易深木葉蕭蕭下彈琴送湘君風車催雨馬遺珠  
墮翠翹滿岸丁星者露乾翠已消閑客凌晨寫馬蘭

塞山暑雨過爛斑滿翠錦花葉良似菊色香乃稍寢落英  
未可餐流泉未足飲經霜益燦然儻與菊同稟善善及其



類忍使淪寒品收之芳草譜媵修可懃恁

藍菊

籬落有牽牛花如碧玉簪秋雨一灑霽延蔓隨低陰甫開  
卽擎斂不耐烈日臨上有蟪蛄鳴下為蕭菌林對之懷履

霜彈我嶧陽琴大易繫莧陸繪圖意良深 牽牛花

蔡世遠字聞之號梁村漳浦人康熙己丑進士改庶吉

士授編修官至禮部侍郎贈尚書諡文勤有二希堂

集

詩話文勤學宗程朱深醇平實好誘掖後進使趨於  
正軌所著講義學約切近懇篤恆作家人父子語以  
伏鄭之儒宗啟韋平之門  
業通經食報於斯為盛

蕨寄藍玉霖

結宇南山下蕨生不費錢脆當春菜美青入野盤鮮小雨  
遲舒葉東風欲放拳莫云滋味薄一熟動經年

李紱字巨來號穆堂臨川人康熙己丑進士歷官內閣

學士有穆堂類稿續稿別稿

詩話穆堂記誦淵贍舉朝推服氣節錚錚尤為一代有數人物詩非其專長間有獨到處

讀危太樸雲林集

唐宋爲古文大家纔七人南渡遂萎薈得貌遺厥神有元  
運隆盛大文興崇仁吳虞啟先鞭斯文絕復新後勁得雲  
林如國風有幽宋王拜下風國史功不湮偶然履橐橐上  
嫌稱老臣御史乃希旨元故臣宜擯和州看余廟於事猶  
輕塵論者不復察集矢何斷斷豈知公出處大節光霄旻  
言事旣激烈邪閉善則陳倉卒起田間辭祿已五春投井  
義不屈存史情亦真興朝訪故老四國響然臻聊因國史  
出夙志將一伸區區圭組榮浮雲謝天民青田亦仕元佐

命持衡鈞松雪亦承旨實宋天潢親不知持論者比此何等倫掩卷三歎息流俗多頑嚚

新城邸舍和壁間感柳韻

十年依約玉堂春宮柳和煙不惹塵今日飄零向歧路靈和殿裏更何人

黎志遠字甯先長汀人康熙己丑進士歷官順天府尹禮執客鄂城用和巨來韻見貽事牽未報漢陽舟次

次韻寄答

離羣劇調飢晤言暫濡沫方快鄂城游倏有瀟湘別論文期摘瑕求友惟攻闕古風不可回時頗笑迂闊長江撼坤浮般窗敞天豁晚月升虛無夕霞爛披列低昂漁子舟參差波人後顧我自夷猶嘯歌爲誰發征夫出王城九玩團

團月人事俄是非宦途遽得失夙懷經世心誰可違前轍  
飛鴻向長沙沙渚何當歇吾愛武昌山遲君理布襪載收  
玉與珉慧珠照澄澈

泊陳家灣觀山石奇秀遲客舟同登不至日暝獨游  
未窮其勝

殷殷紅樹村漫漫白沙堰深叢切秋禽修竹翳長坂奇境  
在幽遐神工啟關楫泛灩鯨波搖跳躍龍游宛玲瓏變繩  
墨疊皺若違反蘭舟不卽來臨淵奚繒綵薄暮遲客心蓬  
窗歸息偃侵宵杖策行焉得窮其闔雲寒月色深漁靜江  
光遠嗟予事行役徒爾登眺晚

徐用錫字壇長宿遷人康熙己丑進士改庶吉士授編  
修歷官侍講有圭美堂集

詩話壇長鄉舉出姜西溟之門又與何義門同為李文貞客精學書法著字學劄記評騭古人頗多心得輓義門詩有云楮墨鑑古刻滅燭能辨臭偶逢誰浪雪終得芳潤漱兩人書派頗相近也

### 關峽早行

柝響知關峽東方尙未明  
蛇紆危壁路雷走大河聲  
星落寒鐙見沙崩疲馬驚  
一夫須設險塞下尙連營

陶成字企大號存軒南城人康熙己丑進士改庶吉士

### 授檢討

### 游靈谷山

心曠能教勝境開  
亭亭天半倚樓臺  
每憐幽草人間少  
慣逐閒雲谷口來  
康樂鑿山難免癖  
子期釣水豈無才  
斷碑讀罷添詩思  
漫潑仙泉洗俗埃

黃越字際飛號退谷上元人康熙己丑進士改庶吉士

授檢討有退谷集

讀留侯鄴侯傳

漢唐有國士遇主亦何奇深謀在密勿外廷那得知繫惟  
張留侯楚漢視安危韓彭方苦戰狀貌自委蛇技經肯綮  
閒披豁定危疑更下商山皓不茹商山芝所關良大計智  
勇安足爲鄴侯故隱淪蹤跡若相追藩鎮方跋扈未親提  
一師白衣侍黃衣從容帷幄時僭亂以次平發縱者爲誰  
君臣方燕笑徘徊若有思乘間進微言遂乃定丕基此事  
故不小人亦無從窺嗟此二侯者鴻名宇宙垂一從赤松  
游一願返西陲功成拂衣去千載共心期

賽爾登字紫峯滿洲旗人康熙辛卯舉人由光祿寺丞  
歷官侍講學士降工部郎中有綠雲堂集

明時錄詩匯卷五十一  
六  
游煙霞窟退翁亭

入徑凝眸望清流繞樹飛草深遮馬足花老撲人衣鶯囀  
塵心淨亭幽俗客稀退翁如可作同採碧山薇

幽壑

幽壑無人迹危巒有石臺峯環疑路轉雲破想天開急隼  
搏風起驚麕見客迴臨流時一嘯山鬼莫相猜

十三日薊州早發

邊城曉色耐人看六月嵐光著體寒舞鶴樓中好風景十  
年前此駐征鞍

馮光裕字叔益號損庵代州人康熙辛卯舉人官至湖  
南巡撫有柴門老樹村棗

題李氏雙節卷

管涔高巖業淑氣何蜿蝮鬱積旣云久篤生閨中賢李氏  
有二母中道失所天一母誕兩雛一母影獨憐文葆母互  
負厠膺母共湔及長戲母側不知所出焉午夜課兒讀刀  
尺音琅然皎皎雙瓊枝焜燿二母前菁莪化雨洽循卓蜚  
聲宣文孫復競奮鶚薦秋風便偉哉二母節堂構豈不延  
龍縑賁幽壤豐碑表新阡以茲酌母德詎足垂千年姓氏  
列貞珉聲詩形管絃庶幾畀高風永峙管涔巔愧非劉更  
生列女將誰傳

岳禮字蕉園滿洲旗人康熙辛卯舉人歷官陝西漢興  
道有蘭雪堂詩集

不寐

不寐愁兼病夜長如小年雨聲寒到枕鄉思亂如煙孤影



河西地三秋塞上天白知心力改惆悵舊青氈

病起

天涯花欲暮病起小堂清地遠秋先至山多雨易成青楓  
閒釣舸白髮又邊城門外河湟水東流日夜聲

心紅峽口號

鳳嶺纔過一半程籃輿載滿白雲輕荆關妙筆都看盡不  
及心紅峽裏行

秋日招曹廣文最未至

魏武家聲縹緲才一江秋水思悠哉桂香酒熟雁初去黃  
葉斜陽人未來蜀嶺晴霞飛漢沔梁州古月滿樓臺與君  
十日期酣飲莫誤登高泛菊杯

古意

紅粉蛾眉號善才未央宮宴百花開琵琶弟子皆承寵月  
落香銷獨自回  
牆內李花門內桃春風吹動競妖嬈誰知月下江妃樹別  
殿無人慰寂寥

甕子峽

兩山疊青蓮一水折碧玉落日西風寒猿聲墮高木

望江南詞

玉簫婉轉黃鸝鳴海棠枝顫垂絲輕龍腦調水染退紅煙  
羅霧縠親裁縫大江南岸闔閭城微風吹過香氣濃青鳥  
去時春在柳奄忽榴花勸蒲酒橫塘底事夢紛紛桂槳蘭  
舟得渡否舉首望雲雲茫茫江南萬里心徬徨

送客歸太原

當日故人盡君來今又歸燕門一杯酒晉國幾斜暉馬上  
吟黃葉溪前掩竹扉拋書東望道皓首釣魚磯

道過洋縣宿開明寺感懷

太守風流不可尋篔簹谷口碧煙沈白雲秋水山城晚落  
葉殘陽古寺深瀟灑已無千畝竹清貧猶憶昔人吟熒熒  
鐙火僧房榻獨對文殊此夜心

田榕字端雲號南村玉屏人康熙辛卯舉人官內閣中

書改安陸知縣有碧山堂集

陳松山日黔中詩人漁璜而後端雲南垞差堪步武  
端雲趨嚮漁洋為注精華錄南垞贈詩云一卷精華  
王孟兼每從法界想華嚴功臣何處求毛鄭獨有平  
溪田孝廉所注惜未傳詩名藉甚為錢籜石吳白華  
張匠門  
所稱

雲安坡

拔地起層巒黏天聳疊嶂路從迤邐來山復迴環向跋馬  
一再登舉手雲霄抗飛雨灑其下高鳥不在上屹然五嶽  
中勢欲爭雄長雲氣倏往來八荒通一望部落雜諸羅一  
氣空亭障滇黔楚蜀粵於此扼其吭我生如醯雞閉置在  
瓮盎及茲縱跬步始覺天宇曠若土與雲將雲中儻相訪  
高歌升天行颯然一神王

日鑄茶歌呈楊大尹芄若

越中茶品尙日鑄稽山採摘穀雨前土人揉焙出新意噴  
薄蘭雪塵埃蠲品題不負六一語詩句亦入龜堂傳封題  
白泥印赤印包裹青箬馳江船風爐石銚趣煎淪口未得  
到心先憐鼓浪圓或疑蟹眼翻匙大可如榆錢薑鹽未敢  
加瑣屑庖馵況不鄰腥羶色香兼勝味亦絕如粍比擬嗟

何偏定州花磁琢紅玉一啜意氣凌飛仙垂楊踈地綠於  
染桃花照眼紅欲然憑君莫謾殺風景更持清醕開瓊筵

黃魯直論茶  
日鑄如粳

### 老鴉關

匹馬重嘶尾灑驛漏天不漏見初日袂衣當暑晝生寒楫  
柑爐頭不敢出棧道凌空石磴懸畫圖到處有攀緣老鴉  
關上鴉飛絕兩角孤雲一握天

### 蕉溪雨泊

楚江逆溯盡進艇鐵溪東不斷迎梅雨還飄罨岸風山連  
雞塞險灘入虎牙雄百里鄉關路依依歎轉蓬

### 送蔣繡谷由餘慶之朔州

十載南荒吏詩歌興未衰釣藤酣野釀樂府唱新詞狁鳥

翻山鷓蠻花綴刺梨播州居亦得劉柳不曾知  
夜郎五尺道雲樹渺相望關塞九邊險風煙萬里長晉祠  
遙駐馬陰館早飛霜憑仗南來雁殷勤慰斷腸

乙卯苗變紀事

疆理仍戎索招搖自漢旌如何妖氣熾又見陣雲橫  
映女雄徵側精夫詡單程不知夜郎道已用伏波兵

琴溪

隱雨巖初霽琴溪渡幾深仙人何處所遺蹟此招尋  
明月有來去白雲無古今殷勤探洞口沆瀣與誰斟

丁未京邸感念舊游有作

廿載京華聚會身蒼茫影事記前塵青苔滿榻無  
今雨明月窺筵似故人醉舞鶯花憐上日徘徊風露感  
蕭辰重來

尺五城南地紅藥依然作好春

望青草湖弔郭仲炳

昆池舊擅湖山勝舟屋濱湖復倚山不見林逋飛鶴出空

思魏野跨驢還平居同調人蕪沒黔國憐才事等閒傳得

高曉絕唱在近華深處幾開顏仲炳居青草湖白號舟屋居士平居皆漢詩人與仲

炳齊名黔國沐公嘗屏騶從訪仲炳稱方外交近華浦名在青草湖

渡瀾滄江

長虹一跨並槎浮博望真誇萬里游要隘地矜三齒險承

平人散八關愁江於上下疑無底天到西南欲盡頭黑水

窮源何處是哀牢郡縣古梁州

高郵晚興

稻涼吠蛤柳嘶蟬最是江淮八月天三十六湖吟未盡西

風吹上打魚船

漫興

平生自負扶犁手欲學躬耕耦犂丁  
點檢耒耜猶未辦雨窗先課相牛經

新正雪行宛陵道中

山轉勞勞且莫論雙羊風雪正銷魂  
一杯小蕢茅柴酒身

在梅花溪上邨

宛陵有大小勞山梅聖俞詩  
雙羊風雪裏梅花溪上邨

查爲仁字心穀一名成甦號蓮坡宛平人  
康熙辛卯舉人有蔗塘未定稟

和杜鵑老人寒食後重過花影庵韻

飄然柳栗橫肩去夢入邪溪舊來處  
一笠應辭燕市塵孤篷好聽江南雨  
悵悵龐眉問信稀樵風涇口鶴重歸  
幾時



也泛山陰糧乞取天花糝衲衣

草橋道中

草橋南去是吾家十里青青官柳斜舊曲何人歌驟雨荒  
亭無地問匏瓜聽來野樹多嘯鳩望裏居民半藝花笑我  
淹留似胡賈每逢佳處卽停車

大悲院題壁

秋氣先林薄郊行得自娛官河斜抱寺野舍近通衢粥鼓  
迎人出畦蔬當砌敷到來塵慮滌留客有僧雛

睠此東林社來尋惠遠師坐深涼意滿吟苦樹陰移白鳥  
衝殘照青蘆響暮颺一層樓上望浩蕩白伸眉

送宋廷俞還長洲

昔我夢江南如垢思櫛沐幽懷縈千縷勝覽覬一蹴沿緣

涉吳會懽喜到童僕天霽朗以澂河轉繚而曲依依接林  
塘厯厯愜心目言尋鶴澗流遂憩虎阜麓遠水眇平疇長  
松蔭低屋丹楓敲岸明黃菊繞籬簇登寺日未斜陟山風  
頗肅遙堞蜿蜿蜒盤旁塔吸業矗側睇雲唳鴻俯瞰坂驅犢  
林影散參差盤石互磅礴紺殿翳龕鐙香廚具茗粥坐深  
鐘梵沈吟餘木葉禿積願起夙疴清游屏繁縟送君感前  
塵蠟屐定當續

病起郊游用東坡安國寺尋春韻

一月不出愁東風金卮翠杓無人同鬢絲禪榻成獨卧水  
邊孤負天桃紅今晨一笑上藍輦出郭前導雙鳧翁清明  
寒食次第逼春聲吹入錫簫中畫船尾尾移隄外中有吳  
兒歌小海儂亦心如木石枯不用傾城貽雜佩錦瑟年華

劇可憐掉頭吹落沈郎錢花前且爲留旬日莫待花殘憶  
花發

原勳林縣人康熙辛卯舉人

淨居院秋夜

晚寺鐘聲罷輕風送塔鈴月庭霜樹白禪室一鐙青夜靜  
花香細枝搖烏夢醒蕭然塵世外倚榻坐聽經

李予望字岵瞻號怡村蔚州人康熙辛卯舉人有宮巖

詩集

詩話怡村家門鼎盛負才不遇居近邊塞而詩多和  
雅之音五古七絕尤見風韻張匠門題其集云昔聞  
幽并區慷慨歌絕好至今嗣此音落日攄奇抱青山  
萬仞關孤雁墮沙草殘碑感廢興大醉仰穹昊平生  
懷此都誦詩轉傾倒風流似江南清波漾蘋藻吳聲  
輒以悠側聽思如擣低頭元裕之恨不相從早可稱  
畿北一  
作者

秋晚道中

馬足經秋踏雁沙  
酒旗高處蔭黃花  
孤村古渡行人遠  
老木寒煙落日斜  
失意風塵欺客袂  
窮途詩句負年華  
關河自昔增惆悵  
回首西風噪暮鴉

步月憶友人

乘月步虛階  
宿醒猶未醒  
清光照幽懷  
皎色爭罔罔  
偶爾遠俗緣  
時復得佳境  
更憶會心人  
踏亂梅花影

秋後從北澗遙望南山

淺淺溪流疊疊沙  
頽垣斷岸著人家  
分明身入營邱畫  
四壁寒山度亂鴉

芒履經秋不暫閒  
溪南遙望翠微間  
晚峯偏自宜斜日  
青紫橫分一面山

慕仙

雙丸跳晝夜四序判春秋屈指百年內寄跡同蜉蝣胡爲  
櫻世網役役多所謀白日凋朱顏衰老歸一邱形器委寒  
灰蕪穢不可收傷哉醯雞人誰識梅生儔中山衛叔卿期  
我於瀛洲雲車白羽駕蓬壺恣遨遊金膏爲我餐玉液爲  
我饑願言出錦囊開笈十二樓息心入冥默毋爲害馬蹂  
道深雖難幾精微庶可求脫屣謝時輩世事空悠悠

望臺山

臺峯良東南翠嶽如藩屏當此一窗間日日煩引領山氣  
肅清秋賦我佳絕境眾壑極遙秀煙嵐互斜整層雲蕩太  
虛綠靄浮深靚奇玩彌昕夕澹然得淵永長謠招隱詩欲  
訪丹砂井緬彼山阿人何必殊箕穎會當蠟繡屐杖策陟

幽嶺且復拭烏皮空翠落山影

中秋日憶大兄督運巴里坤

久出居延塞秋高絕域邊一輪仍漢月萬里入胡天彌覺  
丹心苦應愁皓魄圓同懷當此夕相望益纏綿

北歸漫興

知命無爲更諱窮順時那得復求通病餘駿骨誠難市老  
去蛾眉不易工犧象已看殊斷木琴材何事待焦桐此身  
并付榮枯外拋擲臬盧一笑空

文章得失古難言被褐懷珠孰共論溟海風濤終偃息榆  
枋毛羽自飛翻青春漠漠醒如醉積雨陰陰晝易昏十丈  
塵中京輦路騎驢還欲傍誰門

靡迤羣山翠作屏繩牀紙閣草痕青夢中眞幻亡蕉鹿鏡

明耶利書卷五十一  
裏妍媸失尹邢豪氣久疏屠狗業異書新得相牛經掩關  
祇可通樵牧簪笏無從一扣扃

歸來何處不徜徉隱几長消半篆香深喜山阿無怨鶴卻  
悲歧路有亡羊百年眞覺生爲寄三窟爲營醉作鄉高卧  
北窗風暫至猶能一枕到羲皇

步雲路

登山如登天便作雲霄想決背入青漢顧步失塵埃時聞  
谷鳥鳴何來人語響暢游濟勝情遐矚恣幽賞素心於焉  
愜平生屐幾緡

虎風口

山陰無坦途捫蘿轉孤峭一峯俯眾壑豁衍極幽眇草木  
亦森肅雄風鳴萬竅豈有負嵎形空懷履尾教機括應已

忘凌虛發長嘯

夕陽巖

澗水流年月奔曦換今古如何虞淵日獨向巉巖貯晚煙  
生陰壑暝色暗平楚應與幽人期先彼山月吐恨乏魯陽  
戈巖前自延佇

白虎峯

山深非一狀雲煙互吐吞孤峯插霄漢宛若猛虎蹲不信  
酷吏威化此冰雪魂鑿鑿看形鹽難爲腐儒飡

出南山口有感

車塵擾擾送驪歌廿載關山幾度過易水風高霜氣早薊  
門秋老雁聲多尙書舊隱尋荒谷盧尙書植舊隱軍都山司戶遺墳  
感逝波劉司戶黃墓在昌平卻望長安頻泣玉不堪歲月已蹉跎



河間道中有懷獻王

嬴氏亂天紀酷虐難具陳苦欲愚黔首詩書遭坑焚羣籍  
付烈焰六藝已灰塵孤危念吾道一髮引千鈞漢祖起豐  
沛馬上除暴秦未暇求遺書絳灌祇武人遷延及文景此  
事遂因循雖除挾書律大義惜未伸卓哉河間王所好匪  
世珍日華啟高館文采照河濱雅樂獻天子儒術被厥身  
茫茫尋墜緒獨悲古籍湮千金購善本傳寫留其真因之  
得書多在漢無等倫周官毛公詩響絕忽復聞春秋左氏  
傳一一皆古文聚殘補其缺說記本先民煌煌前聖典呵  
護信有神譬猶長夜暗杲日出大昕祖龍雖已戾於今輝  
千春竭來厯舊邦遺躅尙未淪停驂訪耆老經完道亦振  
陋彼淮南子八公徒紛紜篋中鴻寶書荒唐何足論

楊維元字周臣號雪園陝西甘泉人康熙辛卯舉人有  
清白堂小草

春柳

金綫垂垂挂綠雲晴蒸瑞靄更氤氳一般桃李爭春色獨  
爾風流最出羣

郭遠字來倩一字青來桂陽人康熙辛卯舉人

詩話青來性剛嗜義為本縣請廣學額寬徭役湖南  
北分闈呈出其手嘗忤縣令下獄吟嘯自若卒得白  
舉於鄉已垂老不  
數年客死涿州

孤舟

孤舟明月轉相親瘦影欺風強自珍自古悲秋惟作客況  
今年少不如人飛鴻肅肅身將隱落葉蕭蕭夜向晨幾度  
漁歌連曉角不堪旅思欲沾巾

月夜

步屣花間未欲眠草堂月上正新妍十分幽寂難為夜一味孤清自在圓入幕風微香冉冉篔簹林光透影翩翩直須斗酒酬今夕莫問貂裘值幾錢

王世琛字寶傳號良甫長洲人康熙壬辰一甲一名進

士授修撰歷官少詹事有橘巢小橐

沈歸愚曰吾鄉王文恪公以名德著成宏間子姓以能文世其家三百年來吳中言文獻者必首洞庭王氏良甫先生最後出一出而大魁天下領袖玉堂二十載視學山左以家法化導青齊文風丕變先生少負雋才所為詞賦儷於古人而於詩尤工歐陽永叔評梅聖俞詩謂清麗閑肆涵演深遠使得見於朝廷宜作為雅頌以歌詠功德薦之清廟而追商周魯頌之作者先生庶幾無愧惜余入翰林晚弗克追隨禁近相與鼓吹休明子思子曰昔吾有先正其言明且清不禁穆然三歎云

題中興碑後有感魯公故事

白髮蕭蕭走賊營  
丹心原不戀餘生  
誰將舊德投豺虎  
翻道君王用老成

過耒陽弔少陵墓

欲奠孤墳擷澗蔬  
西風荒草徧寒墟  
行吟終傍靈均澤  
痛哭空陳賈傅書  
三賦輝光東觀後  
萬方兵革北征初  
故人太尉真知己  
歌罷陳陶恨有餘

英州道中寄大兄

江岸草萋萋  
愁懸落日低  
天涯兩兄弟  
客路各東西  
眠食知何似  
音書莫嬾題  
遙憐端水上  
惟聽子規啼

十年慚負土  
萬里客炎荒  
灑竹無枯淚  
聽猿有寸腸  
故鄉秋水闊  
歸路嶺雲黃  
何處牛眠好  
愁心日又長

題洞庭東西兩山圖寄贛州觀察兄五十韻

少小嬉游地今來入畫禪東西兩拳石上下一青天冉冉  
分朝翠霏霏合暮煙晴光搖海滙寒影落鷗邊月上胥毋  
頂霞橫縹緲巔盤根侵浪出疊嶂盪雲穿几席規吳市階  
庭甃越川十洲疑在眼九點渺無垠一輛登山屐三更載  
酒船幽尋隨處好清景逐時遷嶽瀆經函祕荆巴地道連  
春壇留藥竈夜宴駐鸞軒挂席吳娃去歌芝漢皓旋故宮  
銷暑殿荒井蟄龍淵風起銀濤立嵐開玉鏡圓三江流似  
帶羣島貼如鈿平遠圖倪叟欵敲拜米顛經冬雲樹暗不  
夜露華然松亞高低刹雞鳴遠近阡結茅依洞府嵌石蒔  
湖田曉暮聽鼉鼓陰晴驗薛錢籬疏張雉網沙暝曝魚笮  
野徑皆亭榭村歌倚管絃招邀來近局歡洽競烹鮮生事  
淮耕作閒時只醉眠滄桑幾更歷風俗獨淳全喬木清陰

遠先公遺澤繇嘉謨藏典冊真適闢林泉真適園名石剴尙書

篆吳文定詩題待詔篇文衡煙巒唐子畫唐六蝌蚪祝生箋

祝枝庭繞蘭芽茁吟成棣萼聯攜尊坐招隱招隱宅旁訪

友過來賢來賢高士施東崗亭名地占煙霞勝門無車馬闐直尋顏

巷樂高卧謝山堅顏樂齋名緬想風流邈空懷堂構傳卅年駒

過隙中歲客游燕險阻驚如壓窮通轉若圍君方登粉署

余亦侍花飄薄祿悲違養佳城卜屢愆出門常負棘入仕

愧磨鉛巷擬烏衣舊池憐鳳羽孱孤踪仍落落去雁更翩

翩芳訊踰時至離愁兩地牽幾看形影隻應悔繼羈纏野

性湖山慣柴門煙月偏釣游追往跡吟賞憶隨肩宦海原

無際流光劇可憐歸期何歲月生世本神僊寄語南洲客

時披震澤編請觀圖畫裏雙岫故依然

沈樹本字厚餘號操堂晚號舫翁歸安人康熙壬辰一

甲二名進士授編修有竹溪詩略

詩話舫翁詩學玉局吳興竹枝詞儂家自有樊川  
約判守春風十四年阮文達謂有詩人忠厚之意

磨盤山

回頭不見入山處此身已似盤中住百千旋折眼生花三  
五迴環神失據纔思左往復右行正欲仰登先俯注坡平  
幸獲尋丈寬徑仄只留分寸度鞭絲帽影蟻緣窗馬足車  
輪蛇繞樹尙嫌蝸殼更盤結比似羊腸增恐怖道如縛轉  
輓轡形人被綫牽傀儡具乍陰乍陽日向背在前在後風  
來去山遠不踰二十里山高不越三千步從卯到酉歷未  
窮自壯至老陟猶誤燕齊大賈有深愁并代健兒成卻顧  
人間不省行路難請過磨盤山上路

徐葆光字亮直吳江人康熙壬辰一甲三名進士授編

修有二友齋詩集奉使琉球詩

詩話康熙戊戌遣使封琉球亮直副檢討海寶奉册  
以往撰中山傳信錄述其國史事風土頗詳盡使册  
往還有詩三卷  
於集外別行

自口外回至密雲道中車折軸遇雨

出山復入山顛頓不知幾瘦馬怯孱顏兩鞍鬪石齒脫嶮  
就夷曠泥行鈍亦喜中軸忽摧折輪轉不踰咫勞薪不能  
言事敗悔方始解輓就牛車落日照行李駛雨截山來壤  
雲翻墨起橋阻斷虹邊路辨掣電裏風吹祇裊單沾溼行  
未已將經滄海身平地已如此

磴田

山田不畝平高下復縱橫人慣緣厓種牛知避石耕科秧



分嶺色疊溜學灘聲農事春前足田蛙正月鳴

種榕敷命堂前左右各二株示通貢諸大夫

使館邀綸世一開聖皇册命已三來天無稽澤隨時降樹  
有餘陰爲手栽門台海隅迎日月根蟠龍爪壓風雷諸卿  
好與勤封殖若木光中拱上台

上灘行

祇命走閩服崎嶇敢求安紙船託微命上灘復下灘上灘  
逆水怒求進尺寸難片石扼我嶮日費千篙攢下灘得水  
利雙楫如輕翰穿鍼與走馬一瀉百里寬順流雖云樂觸  
激無堅完灘師頭易白鬪捷摧心肝上水旣失利小心事  
驚湍救墜愁脫手引汲危上幹釜懸船挂壁溜急魚升竿  
步步自牽挽力疲神轉閒於此互乘除得失如循環上灘

與下灘請君擇其間

胡煦字蒼曉號紫弦光山人康熙壬辰進士改庶吉士

授檢討官至禮部侍郎諡文良有葆樸堂詩集

詩話文良治易爲專家入詞林年已五十八景陵  
召講易問答數千言獎爲苦心讀書人卽命直南齋  
擢置卿貳卒年八十二著述入四庫易  
名得上諡儒生稽古之榮逾於桓生

洹河柳枝詞

衰柳煙消舊日臺尙留青眼向人開  
晉陽萬騎憑陵日應借春陰繫馬來

抵家後口占

五十登途別舊鄰廣文寒暑涉通津  
歸來七十還加七多見人間五輩人

日日親知少送迎不堪回首問平生  
兒童老大髭鬚白強

半登堂說小名

王圖炳字麟照號澄川江南華亭人康熙壬辰進士改庶吉士授編修歷官禮部侍郎降侍讀加詹事銜有樓香書屋集

三高祠

檣烏語天風吹過松陵路松陵何所見落霞與孤鶩湖峯七十二鬢鬢出煙霧此地可浮家便欲牽船住昔賢非無謂先我辨釣具一感菹鱸秋再感杞菊賦步兵困冷曹州辟失歡趣歸去固其宜邱壑履我素煌煌范大夫定霸輒自許時非季鷹時遇異魯望遇如何百戰雄翻作五湖慕英雄蹤迹奇處女幻脫兔至今懷高義層霄不可遡張陸幸成名譬彼蠅驥附我來拜荒祠日落垂虹渡不獨薦溪

蘋思把黃金鑄

平原村

年少驚傳入洛名  
雲津龍躍是平生  
八王兵甲無臣主  
兩晉文章有弟兄  
晚節不堪愁鶴唳  
舊交聞已賦尊羹  
春蒲細柳平原路  
長使行人淚滿纓

顧林亭

平林落日野王臺  
太息斯人一草萊  
白馬青袍愁事去  
綠蓑阜帽好歸來  
虞卿窮老書千卷  
陶令高閒酒百杯  
回首風塵淪落客  
江南詞賦子山哀

徐杞字集功號靜谷  
錢塘人康熙壬辰進士  
改庶吉士授編修  
歷官宗人府府丞

汪孝子詩

習隱辭塵俗端居葆性真心惟甘淡泊質更抱清澗盛德  
孚行路遺風表搢紳慈幃期不老子舍訖終身寢膳朝昏  
切扶持左右頻疾無煩上藥誠可格明神寸草情逾苦三  
春景欲淪瞻容餘涕淚營葬劇艱辛不間生存日甯忘永  
感辰雙鳩廬上乳縞兔隴邊馴自昔傳靈異於君孰比倫  
一朝成大暮千載失完人幸際明良會欣看綸綍新芳聲  
長不沒圖篆勒貞珉

程夢星字伍喬一字午橋號泝江江都人康熙壬辰進  
士改庶吉士授編修有今有堂集

詩話午橋入詞林後歸築漪南別業遂不出又有篠  
園自題聯曰夕陽雙寺外春水五塘西主竹西壇佔  
名流多聯縞紵注李義山詩行世而  
所作劉亮自然殊與義山不類也

### 老人峯歌

山煙作霧朝濛濛模糊煙外疑遠峯風開日出始破笑一  
峯背俯兼頭童何年南極下霄漢無事僵立空山中諸峯  
兒孫並臚列形體雖具難相同平生儕輩恐無幾匡廬五  
老齊高風世人少壯幾時好等閒倏作雞皮翁何如此峯  
既老常不老前古後今無始終浮邱容成每來往俯視塵  
世擾擾如雞蟲

雲棲

靈山結想十年前一路穿雲許問禪人綠鬚眉全是竹晴  
喧風雨總因泉地高偏覺江聲近峯遠猶將梵唄傳吟盡  
夕陽歸較晚清池應愛遠公蓮

南坡

杖策過危橋拾級上空翠曲塍急春流前林出高寺遙見

耦耕人攜鋤話農事

飯松庵

山客了無營提筐拾松子食之潤毛髮清芬味如水願與  
素心友共此煙霞髓

紅藥欄

不見廣陵花一別歲云五豐臺擅奇豔所惜漉塵土歸吟  
紅藥詞移種及春雨

秦休字又休號匪義邵陽人康熙壬辰進士改庶吉士  
授編修

古田夜泊

溪頭黃蘗樹颯颯海風吹日落歸心定秋深病葉知蟲聲  
無斷續客夢有驚疑雨漿榕城路看山未展眉

鄭之僑字東里仁懷人康熙壬辰進士改庶吉士授編

修

題壯義勒

壯義勒者集集明袁鑿死奢氏之難題敘褒卹諸文及其子蕙芳雪讐紀事

竹瓦天昏鼓聲死銜鬚噴賊賊魄禿生不食爾鬼食爾嗚  
呼明威真壯士郎君縞衣拔刀起大呼殺賊髮植指先斬  
蟻祖後及蟻何物蠻種乃生此一骨鞭爾一萬箠歸告其  
父酌賊髓去掃紅土變赤水嗚呼僉事真孝子我觀壯義  
勒掩卷三歎息當年渝播失復得論功大半袁氏力豈獨  
夷鼎照鄉國況聞入道平陽時明威伯子勳已奇水牛塘  
邊大酣戰至今名著學語兒忠孝之氣鍾一氏此勒與天  
同不毀嗚呼國家多得袁氏父若子安有四海金甌破張

李



杜詔字紫綸號雲川又號蓉湖詞隱學者稱半樓先生

無錫人康熙壬辰進士改庶吉士有雲川閣集

沈歸愚曰雲川受知聖祖以養親歸不復出中歲嘗選唐詩叩彈集行世皆中晚名作故平生得力亦

在大歷以後云

詩話康熙四十六年命侍讀學士沈辰垣等編輯歷代詩餘一百二十卷五十四年復命詹事王奕清等

輯詞譜四十卷曲譜十四卷右文之盛旁及聲律囊括洪纖不遺一技雲川以監生迎鑾進詞被賞在館

最久壬辰會試榜發奉旨搜閱遺卷特賜一體殿試改庶常紀恩詩云羣玉書倉浩煙海愧將詞句續花

間自注臣始終以詞受知兩奉校詞之命又取所輯中晚唐詩命武英殿監造繕寫進覽同輯唐詩者杜

肇余尚書子庭珠也

隋隄曲

隋隄一帶官河口不種桑麻種楊柳錦帆帝子數巡游厭

住東京樂奔走將兵西域再征遼呼韓稽顙諸蕃朝江都

宮監伺顏色翡翠玻璃恣雕飾水晶殿揭珠簾開香風吹  
送飛仙來凭肩笑語能幾回夢游恍惚吳公臺吳公臺下  
雷塘路野土茫茫亂煙樹傷心爲弔玉鈎斜柳色黃昏不  
知處

虎邱同侯粲辰華子山訪山陰戴隱君南枝

共理登山屐兼停訪戴船誅茅容大隱宿草泣高賢

南枝  
賈字

葬徐侯齋往事空禾黍傷心只杜鵑塵襟聊一洗清挹第三泉

周處讀書臺

臺廢尙遺址荒荒宿草中在朝能獨立致命見孤忠始信  
讀書效因高力戰功斬蛟與射虎未足號英雄

雨泊吳閶送春同顧梁汾先生作

吳宮花老淚臙脂點點殘紅墮晚枝自是東風無著處本

來西子有歸時錦帆冷落青簾舫玉管闌珊白苧詞雙漿  
綠波留不住半塘煙雨柳如絲

次泰和韻送同年于元士入都因簡劉喻旃楊若游

諸同館

春明分手兩經春吳舫忻同夜語親敲枕卻憐聽雨細入  
山還喜試泉新飽嘗世味初歸客寒到征衣又送人爲語  
玉皇香案吏秋風且莫憶鱸蓴

三月三日自鑿江晚次邗江有懷程午橋同年

久厭驅馳客路遙征衫脫去又吳舫茱萸灣見初三月楊  
柳風移廿四橋爲憶篠園人淡蕩可宜花雨夢飄蕭蓬門  
好共關春住莫放春心悵寂寥

胡安字靜庵襄城人康熙癸巳進士改庶吉士有獨翁

詩集

秋蟲

蕭條寒夜裏唧唧草根聲咽露悲相弔臨風苦自鳴遠人腸欲斷騷客氣難平搖落無窮意蒼茫一夕生

林佶字吉人又號鹿原侯官人康熙壬辰進士官中書

舍人有樸學齋詩

詩話吉人與兄同人教諭侗皆少負才名有二難之目同人嘗游關中搜羅金石甚富著有昭陵石蹟考來齋金石考吉人壯歲登朝及與阮亭愚山諸老游工鍾王小楷漁洋精華錄午亭堯峯詩文集皆其手寫尤為藝林所珍

甘泉宮瓦歌

甘泉漢宮遺古瓦何年棄擲荒隴下泥沙埋沒風雨剝誰人物色求諸野阿兄游宦入西秦嗜奇好古搜沈淪西京

地時乘言四卷五十一  
文字傳絕少何意長生四字完形神周圍一尺有二寸水  
清翡翠光鮮新非篆非隸含古意不瑣不琢歸元淳歐陽  
集古見未到劉攽博雅誰探真二千餘年復寶重轉憶飛  
廉太乙俱成塵當塗銅雀非儕偶歷十四朝真可久寶器  
逾晦逾光明肯讓漳河片瓦傳不朽

游武夷登一覽亭

吾聞武夷山乃是昇真元化之洞天中間溪流有九曲三  
十六峯峭折相排聯我家去山七百里迢然神往已十年  
雖未扶藜臨澗谷早有清夢來騰騫今冬適經雙溪口舟  
子西指思迴船興高踴躍決探勝四日逕到仙宮前凌晨  
登筏溯霜瀨山容面面堪沿緣幔亭巍峩聳雲際玉女秀  
出清而妍虹橋千載駕陡削接筍一綫梯鉤連嫣然花竹

藏別塢小九曲內宜安禪隱屏精舍昔講學宵且奧處羅  
羣賢雍雍絃誦倡權曲會心微妙超言詮盤游六曲望不  
極有亭天半憑空懸虛無縹緲徑欲斷猿鳥絕跡惟雲煙  
捨舟輕身陟危磴聽徹水樂瀉濺濺仙船天路落不落誰  
弄狡獪疑彭籛險艱厯盡到奇絕天游古觀山之顛亭稱  
一覽小閩越抉眚遠睇無涯邊此時不知此身在何處便  
思脫遺人世同飛仙丹山碧水如此勝恨不早拍洪厓肩  
會當買山傍雲壑盡載羣籍來摩編山靈愛山亦愛我定  
應招我棄官賦就歸來篇

陳惠榮字延彥號密山安州人康熙壬辰進士厯官安

徽布政使有葵園集

詩話密山家世忠孝與方望溪尹元孚最善研窮性  
理尤服膺陽明詩雖非其所長而時露性情語紀行

諸作亦涉  
筆成趣

清江

清江天上來縹緲歷雲漢雲根養深淵毛髮明可鑒發源  
施州衛千里橫匹練或爲石所激吼雷勢奔電澗底纖鱗  
游表裏皆洞見當其清淺時手掬足可踐滙作無底潭空  
明光一片方春雷雨動天矯蛟龍現宜都入川江無復此  
顏面渾灑成其大豈云不善變願助東海深舊山何必戀

楊花

一天雪片亂春晴風裏楊花自在行萍葉縱橫成後劫麴  
塵恍惚悟前生黏簾墜溷知何處流水行雲共此情希逸  
朝衣壽陽額也教點點著人輕

卸甲溝

山形如醉翁何僕欲顛仆雲林意蒙密水石氣局蹙嚴霜  
飛不到青翠豁人目碩果綴餘柑小紅亞天竹澗底數枝  
梅橫斜過石屋凍藥參差開含春媚幽獨到此坐忘疲欲  
往意還復乃知草木心舒榮在巖谷我欲結茅庵餐霞友  
麋鹿

飛魚灘

山靈厭寂寞推石堆山坳河伯怒驅之奮作風雷號水頭  
落雲中勢與帆檣高舵工挾長技一葉隨驚濤撇捩轉石  
罅生死爭秋毫瞬息數百里東逝不可招我舟逆流上飛  
泉灑林梢僕夫引竹纜舟子刺松篙進尺還退寸目瞪心  
搖搖勢平流忽散巨艦輕如毛暝色赴林壑停泊傍漁舫  
吹火煮夜粥共慰推挽勞重唇白甲魚出網鮮可庖掩篷



讀我書斟酌樽中醪前灘名虎嘯西上更名堯且復永今  
夕何暇問明朝

棄婦行爲友人作

桃花何灼灼爛漫迎風開春歸紅已歇鶉鳩莫相催憶昔  
蓬門同食力蕭蕭絡緯霜中織佐君夜讀買蘭膏典盡釵  
鈿無怨色君今已貴妾已老紅顏那比新人好避賢不敢  
妒蛾眉何須定刈當門草野徑雲低樹色微樹頭鳩婦已  
分飛也知性拙應遭逐風雨飄搖何處歸

焦山瘞鶴銘淪入江汜七百年矣家滄洲公捐貲募  
力士挽出之得五石凡七十二字復還舊觀建亭  
山院因作長歌以紀其事

人歸地底鶴冲天穹碑屢屢焦山巔上皇山樵弄神筆銀

鉤鐵畫常蜿蜒果然奇物天亦忌豐隆肆虐山無權雄雷  
雌電聲震震珠飛玉碎沈深淵珊瑚明月耀水底老魚撥  
刺蛟垂涎歐公蘇公稱好古臨江酌酒心留連嚴冬水落  
斷碣出苔衣荇帶相糾纏眠沙藉草搨數字十指欲裂身  
拘攣晨星落落見者少贗文僞本爭流傳蘇州太守天下  
士孤操直比松筠堅收拾殘碑奠山麓鳩工首倡寅僚先  
巨靈開山龍徙水山魑水怪紛相牽移來位置維摩院覆  
以茅亭護以欄鼎沈泗水劒出獄神物隱見豈偶然我聞  
當年瘞鶴日依稀猶紀壬辰年迄今一千三百載質雖金  
石何能全罡風劫火幾燔燒洪波巨浪長洞涸炳然七十  
有餘字直與天地同綿綿龜文剝裂龍蛇隱鋒鋞禿盡精  
神完周宣紀獵有石鼓年年秋草埋寒煙一從認出蝌蚪

字升諸清廟陳宮懸千秋會應有真賞壁沈終出珠終還  
人物果能成不朽何論滄海爲桑田

枝江雜詠

山勢紆迴江水灣孤城形勝占江山鯨濤驅石傾三峽鳥  
道盤雲入八蠻百里金湯憑地險兩朝兵燹憶時艱幸逢  
海內昇平日桑土綢繆莫等閒

三畝荒園淨掃鋤蕭然官舍似幽居峯頭聳翠延朝旭浦  
口鳴榔響夜漁檢厯細尋移竹日呼童閒寫種蔥書臨風  
把酒舒長嘯如此溪山不負余

李慎修字思永號雪山章邱人康熙壬辰進士歷官湖

南衡永道有雪山詩草

詩話雪山初除內閣中書遷刑部主事卽宿於官廨  
善決疑獄稱廉明擢守杭州復入爲刑部郎中授御

史數上封事嘗入對  
裕陵諭曰是何渺小丈夫乃能直言如此雪山對臣貌陋而心善裕陵為大笑  
又嘗勸裕陵勿多為詩  
裕陵有絕句在御製初集中詩才縱逸最好步韻雅兩嘗規之集佚不傳雅  
兩輯山左詩鈔僅得  
初入臺紀恩一律

### 改授御史

風紀清班世所榮君恩晚歲許題名老成豈敢當天獎孤  
直由來自性生晨漏勉隨鴛鴦序朝陽虛說鳳凰鳴祇今  
袞職無遺闕愚陋何緣補聖明

謝濟世字石霖號梅莊全州人康熙壬辰進士改庶吉

### 士授檢討歷官湖南鹽驛道有梅莊遺集

詩話石霖作學庸註疏順承郡王錫保劾其誹謗程  
朱世宗不加詰問官御史以劾田文鏡遣戍阿爾  
泰乾隆元年召還復官復進呈所著疏謂尊朱之令  
始於明洪武十一年甲子鄉試明祖與文公同鄉同  
姓定為此合名雖表章聖學實則推崇本朝尋以母  
老乞外軍臺時昕夕讀書有軍中學易圖作詩明

志皆真性  
所流露

丙午十二月初七日下獄次日得旨發軍前効力

贖罪感恩述事次東坡獄中寄子由韻寄從弟佩

蒼實夫

嚴霜初隕陡回春留得衝鋒冒鎗身綸綍乍傳渾似夢親  
朋相慶更爲人敢愁弓劍趨戎幕已免銀鐙禮獄神早晚  
扶歸君莫慟嫫嫫勃窣亦前因

尙方借劍心何壯牘背書辭氣漸低已分黃泉埋碧血忽  
聞丹闕放金雞花看上苑期吾弟護樹高堂仗老妻且脫  
南冠北庭去大宛東畔賀蘭西

西征別兒子夢連

九門何皇皇家度歲忙我亦侵星起辭家赴沙場大兒

甫八齡失母依我旁見我荷戈戟長跪牽我裳兒願隨爺  
去辛苦共爺嘗拭淚摩兒頂我兒何不量迢迢征戍地道  
里六千強地遠天亦別夏月飛秋霜並死有何益不如返  
故鄉故鄉先壟在種柏已成行汝歸山有主庶免樵斤戕  
故鄉祖母在聞信知斷腸見汝如見我稍慰門闔望故鄉  
遺經在牙籤貯青箱趨庭誰課汝汝自延書香故鄉先業  
在草宅成荒莊學書恐誤汝汝好事農桑上以供正賦下  
以奉高堂酒釀三吳白雞畜九江黃聖主哲且仁暫戍非  
久長東歸儻有信爲我潔壺觴

己酉十一月廿七日復蒙聖恩免死釋放卻寄家書  
清湘紫塞路茫茫兩地不知誰在亡紫塞長征人又在爲  
傳好語到清湘

乙卯十月十七日蒙恩賜環口號

已分埋沙磧甯知刷羽翰邱山臣罪重天地主恩寬蹠踐  
新驄馬巍我舊鐵冠喜深悲轉劇望闕涕沆瀾

王箴輿字敬倚號孟亭寶應人康熙壬辰進士歷官衛

輝知府有孟亭編年詩

詩話孟亭典郡耽詩坐下考鐫級歸人爲之惜而孟亭坦然詩有道州魯山遺意

得歸結廬先寄舍弟季亭

鸞凰遺好音眾鳥鳴且悅海鵬負青冥塞鴻踏春日延頸  
遠尉羅疾翮脫一發露行早然犀夜寐屢驚蝎勞薪吹盡  
灰膏雨濯餘桮勒恩返舊山焚香拜明佛我本蓬蒿人初  
心悔未決念親似秋草應添頭上雪有弟如晨星同繫天  
邊月

天南海水東結廬白田北疏鑿泉平沼藝植花連陌綠塍  
閣始構逐徑戶已闕瞻望若堂封隱念松楸側祿養就升  
斗黽勉事行役袖雲嵩洛間截竹淇源曲牽羈竟一紀婆  
娑大梁客豈云隱已招聊取肩可息豈如彭澤田亦有子  
雲宅民社任難仔張弛事多忒成貸蒙天慈冥報垂先澤  
餘生幸在茲撫膺乍疇昔同父曰余長塤簾季與叔萱草  
樹之背荆華粲在目不見已三年孟也鬢初白叱馭敢希  
尊學易冀景績于今誓墓人苦心季應識

奉酬魯庶常啟人

前夢耶俞可若何颶風吹起射工多牴牾終爲青苗社談  
笑猶存赤壁歌堪許同心論寂寞會指善眼度婆娑袖鞭  
一揖先歸去翻有離腸繫汴河



立秋後一日雨

乍可秋情隔夜生  
風初拂拂雨初清  
似將幾點芭蕉上  
繪出虛堂一種聲

夜課

至老不相放牀頭  
爛卷書呼童乞火後  
共婦翦衣初夜氣  
通靈府清聲入碧虛  
陶家懶惰子責讓復何如

曉渡黃河

是日出河口超然益耳目  
久不見東流寒光奪晨旭  
其聲爛不收  
瀕洞若犄角  
我心際無外  
幻想九丁鑿自天而下  
之中凡幾萬曲一氣所簸揚  
何須辨清濁  
古來大聖人  
疏排絕  
樞束孔德斯爲容  
控搏乃相觸  
海上有神仙  
周天無可欲  
無欲斯無爲  
無爲化自足

青州道中見諸山

遙見城南山曠曠日方陟山氣噴山煙山煙羃山色譬如  
好畫手間有無意墨有意無意間能著空中力昭融散若  
整蘊蓄出猶入盎然已在前攬之不可卽若叩諸山名山  
名無一識

王瀛字文洲號愚谷又號東村臨淄人康熙壬辰進士

官鄆城知縣有東海集東萊草石落山房草

寄懷甯海學博宿復公

舊雨東牟跡未疏往來冰署五年餘佯狂阮籍頻中聖寂  
寞揚雄喜著書兩地相思雲散後半窗明月夢回初揮毫  
敏捷應如昨莫惜瑤華數寄予

王鈞字爾陶高陽人康熙壬辰進士官青田知縣有松

王露堂稟

礎聲

何事驚殘夢寒礎處處悲孤村霜落後深院月明時響細  
疑無力聲停若有思可憐淒楚調不遣玉關知

三間房

萬仞纔過嶺三間又見村林巒藏板屋雞犬散柴門山勢  
迎人立溪聲戰石喧僕夫嗟況瘁日暮且停轅

春柳

含煙搖曳水西頭青眼纔開慣惹愁別恨絲絲消不得斷  
腸人倚夕陽樓

朱倫瀚字涵齋一字亦軒號一三漢軍旗人康熙壬辰

武進士由侍衛改郎中擢湖北驛鹽道復改御史歷

官正黃旗漢軍副都統有閒青堂詩集

詩話涵齋雖起家右秩工畫能詩文供奉內廷比於文學之臣為高且園甥傳指頭畫法景陵嘗書所畫扇賜高麗國王王復請於朝具厚幣請畫朝野傳為美談

病起即事

料峭餘寒薄曉暎東風連日未開門漸添篆霧芸香細小  
沸鑪濤藥火温破夢鄰雞交午唱絮懷歸雁過雲喧如何  
二豎渾無賴頓使休文興莫論

駕幸誠親王山莊應制

彩仗凌晨出鸞旂拂曙開過山聞鼓吹隔水見樓臺花裏  
傳天膳雲中度壽杯晚涼時雨霏歸路擁風雷

憶信

西風連日黯山光漸覺交秋氣候涼塞北身當風雨際城

南家在水雲鄉音書又是經旬隔魂夢新知入夜長遙憶  
擣衣砧上月應憐邊客見如霜

桐柏山夜抵寒巖

日日看山看不足又尋幽勝下瓊臺肩輿破曉穿雲出拄  
杖衝煙踏月來松火漫勞溪外照禪關卻喜夜深開老僧  
不用相驚訝覓取寒山舊句回

九日登元明宮

捫蘿幾度到峯頭九日登臨續舊游意外仙緣詩盡幻眼  
前風景畫難收白雲跨水分雙澗紅葉埋村露半樓歸去  
玉簫新月下一聲吹澈海天秋

方吉人副帥扈從木蘭有懷卻寄

憶昔叨陪扈從時青山曾畫亦曾詩雲中帳殿煙爲幕雪

裏松林玉作枝圍合塵黃傳射虎山迴日黑看收旗遙知  
走馬岡巒下笑我狂吟舊路歧

紛紛獵騎帶禽歸應識詩囊與眾違馬上吟懷隨嶂遠月  
中筆陣逐鴻飛寒生紅葉霜千樹夢繞青燈火一圍擬借  
牀頭雲滿甕爲酬佳句款荆扉

戊寅上元後三日喜翼庭自天開赴京  
雪裏征裘探早春衝寒匹馬入京塵當年識面非因貴到  
老論心更樂貧閱世誰知松節操住山獨抱鶴精神拌將  
華髮三千丈幾度相逢幾度新

中秋夜獨坐

見慣他鄉月甯知此夜長家書經半載客夢近三湘露氣  
寒於水蟾光皎若霜山窗接黃鶴莫送笛聲涼

早發固關

路入雄關草木秋  
幽州迢遞度并州  
三秦城郭仍天表  
兩晉雲山到馬頭  
寒瀑遙隨殘月下  
空林斜帶斷煙浮  
經年旅舍聞雞舞  
絕塞崎嶇幾度游

武昌秋興

黃鶴高樓聳碧空  
晴川傑閣漢陽東  
雲吞夏口三秋雨  
颿挂天門半夜風  
城郭夾江懸一鏡  
山川分勢走長虹  
遙憐赤壁煙波外  
落日寒沙照眼紅

晚晴移詩匯卷五十八終